

الأعمال المختارة

ديوان بیرم التونسي

(الجزء الأول)

تقديم
الدكتور يسرى العزب

طبع هذا الكتاب بمناسبة ندوة بيرم التونسي
التي يعقدها المجلس الأعلى للثقافة بالقاهرة
(٢٣ - ٢٦ مارس ١٩٩٦)

مطبعة دار الكتب المصرية بالقاهرة

١٩٩٦

رقم الإيداع بدار الكتب . ١٤٥٠ / ١٩٩٦

I. S. B. N. 977 - 18 - 0033 - 7

بيروم التونسى وريادة الشعر المصرى

بقلم الدكتور: يسرى العزب

- * نحتفل هذا العام بمرور خمسة وثلاثين عاما على رحيل شاعر الشعب محمود بيرم التونسى الذى جعل العامية المصرية لغة جمالية أكثر احتراماً، لأنها - فى أزجاله ومسرحياته وأغنياته ومقاماته وقصصه - أضحت أداة جمالية طَبَّعة تتشكل من خلالها كل رؤية الشاعر وموقفه الواقعى الأكثر ارتباطاً بالناس والأشد إيماناً بالأرض وانتماءً للوطن.
- * التقط الراية من (بيرم) تلميذاه النجيبان فؤاد حداد وصالح جاهين وأسهم كل منهما بحسب موهبته وتكوينه الثقافى فى تطوير القصيدة العامية وجعلها أشد قابلية للتعامل مع إنسان العصر شديد السرعة والتعقيد.
- * ثم شاركهما فى حمل الراية جيل جديد يقف فى صدارته (فؤاد قاعود وعبدالرحمن الأبنودى وسيد حجاب) بدأ شديد الإخلاص فى علاقته بالفن ويقضايها الوطن بحيث أصبح (شعر العامية) معهم ضرورة سوسيولوجية وإبداعية فى الواقع المصرى، غير أن هذا الجيل - وعدده فى الكم كثير وفى الكيف قليل - مالبث أن أدركته حُرْفَة العصر، وهى الأغانى وتترات المسلسلات الدرامية فانصرف معظمه إلى ملاحقة هذه الحُرْفَة الجديدة، وتوقف بعضه عن الكتابة إما لعجز عن ملاحقة المتغيرات السريعة أو لاتخاذ البعض موقفاً بعيداً عن هذا التحول.

* ومن بين أنقاض الهزيمة فى سنة ١٩٦٧ خرج جيل جديد معلناً رفضه للنكسة، ولكل ما ترتب عليها من آثار سلبية على الواقع الاجتماعى والاقتصادى والثقافى فى مصر. وظل مخلصاً للقسيمة العامية إلى أن تحقق النصر بالعبور المجيد فى سنة ١٩٧٣.

* ثم حدث ما لم يكن منوقعا حيث انصرف معظم هذا الجيل عن الشعر إما مضطراً لاضطهاد (أحمد فؤاد نجم) أو لإبعاد (زكى عمر) أو مختاراً لملاحقة ظروف المشيشة الصعبة بالهجرة للعمل بدول النفط (مجدى نجيب مثلاً)، بينما بقى البعض - وهو قليل العدد - يكتب ويصل إلى الناس فى مصر كلها، وفى حضان الوطن اكتشف الشعراء أنفسهم وهم يتفاعلون مع الشعب فى كل مكان، محاولين معاً استيعاب كل المتغيرات التى لحقت بالواقع، وأهمها آثار الانفتاح الاقتصادى، والتحول من النظام الاشتراكى إلى النظام الرأسمالى.

* وبدون توقع أيضاً ظهر - فى الأعوام الأخيرة - بعض الشعراء الشبان يكتبون بالعامية ما يؤكد انفصالهم عن الواقع وانعزالهم داخل ذواتهم، فراحوا يطرحون نوعاً من الكتابة يغلب عليه النشر، ويمتلئ بالغموض والتعقيد، ويخلو من المضمون، فلا يعبر عن قضية ولا يغرس قيمة تتعرض للضياع، وما أكثر هذه القيم المهددة بالضياع، لكنها فئة حكمت على نفسها بالعزلة فانعزلت، وبقي الطريق - وسيظل - مفتوحاً للشعراء المصريين الحقيقيين حاملى هموم هذا الوطن المعبرين بلغته الجميلة الصادقة عن كل ما يحلم به من مستقبل جميل، مثلما كان سابقوهم من الرواد وفى طليعتهم هذا الشاعر الخالد محمود بىرم التونسى، الذى عاش حياته كلها (١٨٩٣/٣/٤ - ١٩٦١/١/٥)

محباً لمصر العربية مسهما مع جيل عظيم عايشه في نفس الفترة - في تنوير الوطن وبعث كل عوامل النهضة الكامنة فيه، وإثارة كل مشاعر التقدم في أبنائه كلهم جيلاً بعد جيل.

والآن نقرأ - من جديد - أول أعمال بيرم الشعرية التي جمعها (ديوان بيرم / الجزء الأول) الذي أصدره على نفقته سنة ١٩٤٦، واشتراه المصريون - يومها - بخمسة قروش للنسخة.

* ولا يسعني - وكل محبي بيرم - إلا أن نوجه جزيل الشكر لدار الكتب المصرية، التي بادرت بإعادة طبع هذا الديوان الرائد، مشاركة طيبة منها للمجلس الأعلى للثقافة، في إحياء ذكرى فنان. الشعب الخالد محمود بيرم التونسي.

د. يسرى العزب

مارس ١٩٩٦

ديوان بريم التوفسي

المجزء الأول

الفن يا اهل المحبة: رُوح تخاطب رُوح - بلُغَاها
والفن يا اهل البصيرة: عين تكلم عين - بنبأه
والفن يا اهل القلوب: صوت من سكوت الموت - أحيَا
يا طالب الفن افتح لك كُتُبُ في الفن تقرأها

الشمس ه قروش صاغ



محمود يوسف التونسي

٣٦ شارع عبد العزيز - القاهرة

على الارغول

حیات

الاوله آء . والتانيه آء . والثالثه آء

الاوله : مصر ؛ قالوا « تونسى » ونفونى

والتانيه : تونس ، وفيها الاهل جحدوني

والتالۃ ، باریس ، وفی باریس جہلونی

الاوله مصر قالوا تونسى ونفونى - جزاة اخير

والتانيه تونس وفيها الامل جحدوني - وحتى الغير

والتالته باریس وفی باریس جہلونی — ونامولیر

الاوله مصر قالوا تونسى ونفونى - جزا داخلير - واحسانى

والتانيه تونس وفيها اهل جحدوني - وحتى الغير - ماصافاني

والتالته باریس وفی باریس جہلونی' — ونامولیر — فی زمانی

الاوله شربتني من فراقها كاس — بمراره

والثانیہ آہ فرجتنی عاجل یں داس — یا خسارہ

والتائه ياناس ياريتنى كان لى فيها ناس — واداره

الاوله آه . والثانيه آه . والثالثه آه

الاوله أشتكيها للى اجرى النيل
 والتانيه دمعى عليها غرق الباستيل
 والتالته لطشت فيها ممثل وذليل
 الاوله آد . والتانيه آد . والتالته آد

الشرق

من قبل ما كتب أنا عارف	القول ضايع
والاجر بالتأكد ذاهب	حسب الشايع
والشتم حاجينى مسووجر	من واد صايع
مهما انصكويت بالنار والزيت	برضك فنان

يامصرى ونت اللى هاممنى	من دون الكل
هزيل ويحسبك الجاهل	عيان بالسل
من دى الكيوف اللى تصبر	على كتر الذل
ونمت والعالم فايق	قوم بعن وذل
شوف الشعوب واتغص ودوب	وارجع انسان

واللى آلمنى وبكافى	انت يا شامى
عالاكل نازل طول عمرك	بارد حامى
وقلت لى لما نهيتك	مصرى حرامى

لحد ما الجزار خلا جرحك دامي
والله الخروف سايب معلوف مايفوته جعان

والمغربي المسلم راخر لما انتقدته فزع قال لي
ونا اللي قصدي أشوف قيده لقيته فرحان به راضي
خليك فقير دق البندير أبو زر فاشوك
يلعن . . . بوك يصبح مفكوك
طيب مبروك وكل التعبان

روح العراق راخر قول له لا أمتي تفضل يا أخينا
ما تعرف الجاز يستعمل الطم بقي وقول ويايه
واوعى المداس يفلت تحتاس كيف الاحوال
بحرام وعقال غير للمشعال
الجاز أموال وتقول لي أمان

يا شرق فيك جو منور وفيك حراره يا خساره
فيك سبعميت مليون زلمه لا بالمسيح عرفوا مقامهم
هي الشموس بتخلي الروس والفكر ضلام
وبرود أجسام لكن أغنام
ولا بالاسلام كدا هو بدنيجان

الفن .

الفن ياهل الطبيعه روح تخاطب روح
 بلغاها
 والفن ياهل المحبه عين تكلم عين
 بنباهاه
 والفن ياهل القلوب ، صوت من سكوت الموت
 أحيها
 ياطالب الفن ، افتح لك كتب في الفن
 تقراها
 يامطول الشعر ، ومشلش بدلدولتين
 ومبلم
 شوف النجوم في السما متوجهه على فين
 واتعلم
 وشوف بنكا العين ، وضحك الفم ، في الاتنين
 واتكلم
 ورد الحدود فن — فيه الفن يتغير
 طول القدود فن — فيه العين تتحير
 وكل شيء في الحياه بالفن متمسك
 ياطالب الفن

يوم الدبايح

يوم	الدبايح	كان	آخر	مواعيدك
وقفت	لك	فرحان	انصب	رايات عيدك
وافرش	لك	الريحان	واسمع	زغاريدك
زعق	غراب	البن	فصلت	اكفاني

خيبة	أمل	ومرام	واعر	ومتعسر
ياريته	كان	في منام	يصبح	ويتفسر
أو	حكم	بالاعدام	عالمنا	بيتسطر
ما كان	تشوف	العين	حالي	الى بكاني

عالمين	يامصر	مشيت	اياك	يسليني
عليه	عبد	جوليت	تركي	على صيني
ياما	لقت	ورأيت	جمال	ينسيني
واتفكر	الهرمين	تجري	الدموع	تاني

الورد

ياورد أستنظرك قبل الربيع بربيع
واوهد لك العمر
واجعل لاهل الملايه في هواي شفيح
أوراقك الحمر

دى رقتك علمتنى ابقى عبد مطيع
للبيض وللسمر

واوهب لك العمر ياللى عمرك انت قصير
ويقصر الهم
أوراقك الحمر تشرب دم قلبي عصير
ياغلا من الدم
للبيض وللسمر تهدي وانت حر أسير
تنباس وتنضم

ويقصر الهم زولك وانت لسه جاي
في عالم الغيب
ياغلا من الدم لونك في عروق الحى
حتى مع الشيب
تنباس وتنضم قدام الرقيب في الضى
مافيكش من عيب

العيون

من العيون ياسلام سلم شوف واتعلم
تحت الابرار تتكلم والدنيا نهار
عيون تقول لك قصدك ايه بتخلق ليه

مالسكش شغل لكس عليه ياراجل ياحمار

وعيون تقول لك أنا عارفك
من يوم ماشفتك م الشباك
والنبي ما انساك
ياجدع يا صغار

وعيون تقول لك روح يارزيل
ياي كبه في الخاليل
يابو دم تقيل
ياماهم كتار

وعيون تقول لك انا حبيت
وعيون تقول انشالله ماجيت
ياللا بنا البيت
انا رايحه الزار

وعيون تقول لك بالمحسوس
وانشالله حتى تحسوس وتدوس
انا عايزه فلوس
انا عاملاه كار

وعيون تقول لك امشي ياواد
وعيون تقول لك عندي ميعاد
انا ام ولاد
ويا السمسار

وعيون بسر الحب تبوح
وتعرف القلب المجروح
كدا بالمفتوح
ماعليش ستار

وعيون تسبل فوق الخد
وعمرها ماتكم حد
دي جد ف جد
عيون احرار

وعيون تحقق فيها بشوق تهرب علي فوق
بتقول لك ابعد عني بدوق نظرات من نار

وعيون ما تعرف زعلانه او فرحانه
صباح مسا اهي ساهتانه صاحبة افكار

وعيون لها ضحكة ف وشك بس تغشك
وتبص من تحت اليشمك تلقى المنقار

وعيون كذا ييقم ساهتين صفر وباهتين
بالشكل دا عيون الخائنين تضرب بصفار

وعيون تبص وتتسفلق واقفه شلقلق
وعيون تبرق وتبحلق عايزين مسمار



ياست

اهلا وسهلا من قلبي كل ماشوفك
اقولها واطلب من ربي لمس كفوفك

جسمك في فستان السواريه عريان نصه
لو كنت افصل بست عليه ايد من قصه

ولمشيتك في سان استيفانو بالمتجر جـ
قالت جميع اهل الكازينو الله اكبر

والخطوه لما تخطيها واحده اتنيغه
اقول ياربنا تكفيها شر عنيها

وشعرك الى الفن لواه ياصلع ياني
ماعرفش لو كان لسطي كواه ولا كواني

ونظرتك من تحت لفوق كدا للراجيل
تخلي لولب متر الشوق طالع نازل

اما الى زود في جمالك ونصب قامتك
 وشوق الناس لوصالك تقل عظمتك
 ولما ايدك دى تحبك على منديلك
 احسن قلبي يبتشبك ويصلى لك
 وضحكك لما برقت منها السنه
 دى ليلة القدر انفتحت فيها الجنه
 والشفه لما تعضيها شفقت انتى
 دى ناييه وبتفتكرها يام جوائتى
 ولما تنظري لهدودك عينك تدبل
 وتطول رقبتك وخدودك ورد يشعل
 يا مجلس الانس اجعنا بينات حوا
 دول نعنا وعظم ضلوعنا وبه تتقوى
 يا مجلس الانس تضلم لما نجومك
 تغيب ونسهي مانتكلم غير فى همومك
 اشوف شنب مرعى ويحيى اخضر واسود
 وشيخ مكلكم وبلجيه منظر يكمد
 ويقول لنا البيه البايخ يبلى بضربه
 انه النهارده صبح داىخ وشرب شربه

النسوان

في كل عام للورد أوان الا النسوان
بقدرتك نابتين الوان ابيض واحمر

وانت اللى تعلم ونا اجهل فيه ايه أجمل
من دى الحدود اللى لاتدبل ولا تتغير

ودى العيون اللى اشهد لك بها واسجد لك
دى خلت الطاغى انقادلك والمتكبر

والشفتين اللى فالقهم كنت خالقهم
بلابتسام ولا رازقهم دانت تحير

العبد يعشق بالقوه وعشق لجوه
كان جهنم ؟ ايه هوه محناش معشر

بذمتى انت اللى جاذبنى يامعاذبنى
وياالى ذوقك يعجبني لما تنسور

لك صنعته في العين والحاجب	بها تتعاجب
وتقول وجود الله واجب	مين به يكفر
ولك قوالب في الاجسام	غلب الرسام
يقـلـدك بحجر ورخام	يلقاك اشطر
ياست يام زناق محبوبك	وقيص مفكوك
حطى على القلب المشبوك	ايدك يعمر
ويام نص ملايه حرير	والنص يطير
على الكتاف انا عقلي صغير	غطى المرمر
ويالى ساقك يسوى رقاب	حارت الباب
في لون حقيقته ان كان بشراب	ولا مقشر
ويالى خصرك له حركات	تقفل شركات
ويضج منها داود بركات	لما يحرر
فوقه الحزام متشعب فيه	النبي شديه
بيت همسه ياروحى خليـه	يبنى محرر

وياالى	خايفه	الفرق	يميل	قامطه	المنديل
طيب	وصدرك	بالهلاهيل	ليه	متحشر	
وياالى	لابسالى	جوانتى	اربعة	سننى	
فى	ايه	خفيتى	وبينتى	مايظهر	
وياالى	بالدراعات	تمشى	ولا	تسألشى	
متشمرالى	وما	اقدرشى	عالمتشمر	ر	
ويام	شمسيه	ياعايقه	على	فين	سايقه*
يامرشقه	الورده	اللايقه	عالمتشجر	ر	
هواكى	بالياسمين	هافف	وحلق	رافف	
يعافج	العقد	اللافف	على	دى	المنحرج
يامسامين	الله	ياحريم	انا	مالى	غريم
غيركم	اروح	وياه	فى	ججيم	المعشر
الدنيا	والنسوان	وخلص	والراجل	لاص	
لاطلبه	ينفع	ولا	بلاص	لو	يتكسر
عليه	قفا	عايز	الحيه	وخلقه	رديه
وجتته	المشعرانيه	حاجه	تقشعر		
ولا	الشنب	والدقن	ياهو	مهيا	حلقوه
باين	وعايز	لعن	ابوه	برضك	اخضر

العامل المصرى

ليه امشى حافى ، ونا منبت مرا كييك
ليه فرشى عريان ، ونا منجد مراتبيكم
ليه يدي خربان ، ونا نجار دواليبيكم
هى كده قسمتى ؟

الله يحاسبكم

سا كنين عللى العتب ، وناللى بانيتها
فارشين مفارش قصب ، ناسج حواشيتها
قانيين سواقى دهب ، ونا الى ادور فيها
يارب ماهوش حسد

لكن بعاتبيكم

من الصباح للمسا ؟ والمطرقة فيدي
صابر على دى الاسا حتى نهار عيىدي
ابن السبيل انكسى ، واسحب هراييدي
تتعروا من مشيتي

واخجل اخاطبكم

ليه تهدموني وناللى عزكم بانى
انا الى فوق جسمكم قطنى وكتانى
عيلتى فى يوم دفنتى مالقيتش ا كفانى
حتى الاسيه ، ونا راحل وسليبيكم

مراقص الزنج

في باريس

تحت في الظلام ضانصنج
محبوطين بحقنة بنج
يجمع البدور والزنج
احلى من حقن مورفين

بنج من جمال اشكال
من جعب قصار وطوال
بنج من نغم شغال
مندغم نغم شياطين

ترجف القلوب وتطب
هب شدوا حيلكم هب
والقدود تميل للحب
ياللى في الميدان نازلين

طبله العبيد السود
خات أم أجل عود
دايره والنفير ممدود
تفتل شمال ويمين

تسمع الودع ييشن
لما كل عرق يحن
يقلب الملايكه بجن
في المدموازيل جوزفين

خصرها انقتل وانحل
دوس لى على قل ودل
بالتلات ساعات ولا مل
واللى يعرفوه رخرين

ان نده عليها جادوه
يبقى نحل نفل ياهوه
بالعجل تقول له الوه
وردى يعجب المجانين

يرخص اللى كان يتعز كل شىء بشىء ينسذ
والله دا الجماد يتهز وحده ويش حال المساكين

تنفتل سبع مرات كلهم فى . تانيه وهات
همز غمز بالفلـكات كله حلوم الحلوين

ترفع اليمين وتشيل اختها الشمال وتميل
عاجدع بشكل جميل يحتى والعيون ناعسين

واللى حطوا لون على لون وكـتوريس من السربون
والجدع من الكاميرون . عن عصب امم غافلين

زنجى واستلم جرمين بعدما استلم جرمين
راحوا فى الغويط لتنين ساحوا والعبيد حاميين

يشعل الغرام ويقيد فى المهبج بنجم عبـيد
بدع من أوروبا جديد بعده بطلوا الكوانين

واللعين اديه بتلف حصر يترعش ويرف
جسمه يبتعد ويخف ضوغرى والجميع شايفين

من هنا انتقل لهنالك متحد مع الافلاك
والوراك تشوط فى وراك والعضل يغوص فى عجين

رقصه الصومال ووداي	عاجبه بنت برلين آي
منها لما تعمل ياي	صاب يتفرد وينلين
لابسه روب حرير مكشوف	من حروف تشد حروف
للى ما اتصاش يشوف	يعنى كلهم فايزين
يجعل الكلام دا خفيف	عللى عقله لسه ضعيف
واللى قلبه لسه عنيف	يفهم الشرف والدين

العجايز

يارب سلطان جالك يتعبد للذات
خالص لوجهك لا للنيران ولا الجنات
لكن عبيدك وخلقك يعبدوك لغايات
صبيحو اونا عبد منهم كلهم ترسات

التاجر اما افتقر صلى وصام الفرض
والعمده لما اترفت جالك وقع في العرض
والقطن لما اتحرق صاحبه سجد عا لارض
وكلهم عا لعباده يطلبوا حسنات

ولما قات اعمالوا بالشرع والسنة
اضمن لاكم يا عبادى الخلد في الجنة

جنات بها المتقين بالخور تنهى
 ظم المريض والمكسح بالسبع ركعات
 ونا الى ناوى اذا حققت احلامى
 احج لك كل عام ماشى على اقدامى
 واضبط ميعاد الصلا وامسك على صيامى
 وانفق جميع ما املكه فى البر والصدقات

تقصف لى عمر المره لو حصلت خمسين
 وعالخصوص لو تكون وحشه من الناشفين
 تروق لنا الدنيا ويروق لك كان الدين
 والخلق تستغنى عن ماشطات وعن دايات
 تبلى العجايز بحمى حاميه تحميمهم
 واذا اقتضت قدرتك انك تخليهم
 الامر لك بس تطرشهم وتعميمهم
 انت الى عالمهم ياخالق الحيات



سبح الخالق

سبح الخالق اللى زينها بالجمال دنيا سايبه نسوانها
شوفلى من فضلك اللى قاعدالى شابكه بالورده صدرها العالى
وأم شعر اصفر انصبغ موده
لجل يهوسنا والعيون سوده

واللى لابسها ربع برنيطه
ثم عاوجاها ثم شبكاها
ثم ربطاها عقدة وشنيطه

طب وشوف رخره خصرها الداهيه
سر متخى والكفل موهيه
شوف جاكنتها عاليه مشنوطه
قول مهي الدنيا رخره مسخوطه

واللى فستانها وصلتين رقه للقطين شقه والعبيط شقه
واللى سرتها بايسنة منغوزه لوتيجى تقيسها تفرز الموزه

والتفت حبة يابراهيم يابنى
للى عايطا لنا ضميرها المبني

تنقصع قصعه تترى رجاها
قال وعاملنا ساهيه وف حالها

واللى علاجم لابس تنوره ماشيه قطرينها خلق بالطوره

قول لى مش عيب دا نفتح الباب
والعيال قاعده ؟

جران بولفار

شوف الخفه — ام الشعور اللغه فوق اللغه
غير ام شعر طويل
والمقصوعه — ورجاها فوق اختها مرفوعه
تستنظر الطوموبيل
والخرانه — من المعاصم للكشاف عريانه
زى اللى غاسله غسيل
والمافوفه — باين عصيها والنهود مكشوفه
ماخلت الا قليل
والمحتارد — بالشنطه والشمسيه والنضاره
رايحه على التمثيل

والغندورد — تحسبها لولا مثيها صنيوره
 ولا ام خصر نحيل
 طالع نازل — لولاماهو ماسكه دراع الراجل
 من لمسة واحده يميل

يامصر

يامصر تتحدث الاملاك بجمالك
 في وحى جبريل
 من قبل فرعون وموسى الشمس ضاحكالك
 في صفحة النيل
 حسنك لوحذك لانسوانك ولا رجالك
 من جيل وراجيل

في وحى جبريل قصايد واسمها سينا
 منقوشه بالنور
 في صفحة النور مرايا للحياه زينته
 قدامها جمهور
 من جيل وراجيل ومن خوفو ورامينا
 وكل شرطور
 منقوشة بالنور قراها سيد الاسلام
 بأمر مولاه

قدامها جمهور على ذكر الجلالة ينام
 والامر لله
 وكل طرطور بقبه اوبنى اهرام
 والكل سايعاه
 بأمر مولاد محمد عالجمال وصى
 حاكم ومحكوم
 والامر لله وجدتي في الخلف غصه
 تتمدد وتدوم
 والكل سايعاه وله من رأفتك حصه
 آد على محروم

المختلط

« خطب عبد العزيز فهمي باشا يطلب الغاء المحاكم المختلطة
 فامتعض جناب سفير فرنسا »

اخطب يا عبد العزيز ونا اكتب
 بدم يسيل
 عتب علينا السفير ، خلى السفير يعتب
 دا باله طويل

هو السعيد العظيم في كادر مترتب
 وغيره ذليل
 هو الى ينشال ويكره كل متعب
وغيره يشيل

اخطب يا عبد العزيز عن شعب متدرج
 وعزمه شديد
 مرت عليه العبر والغلب واتخرج
 بعلم جديد
 ويخترع ملح في عين الى يتفرج
 على البيراميد
 او محمد المنكوبين طالنور ويخرج
 على الموالييد

عزرائيل

مركز اوروباوى	في النوم رأيت عزرائيل
معووج وسعاوى	ضوفره انجليزى طويل
ازرق فرساوى	وناب يشيل الف فيل
في مجره نساوى	والقم يبلع قبيل

عليه قيصر من سواد	فاشيست طلياني
وجنبه منجم حصاد	من صلب جرمانى
وف خرجه زواد وزاد	من بمب بريطاني
ومعاده خناجر بولاد	من دقه يوناني
واقف في نص الطريق	والوقته مكسيكي
ماسك تليسكوب دقيق	من طرز امريكي
ينظر في منجم عميق	فيه فحم بلجيكي
يستی امتی الحريق	يشعل ميكانيكى
قریت عليه السلام	قام رد بلغارى
طلبت منه الكلام	كلمنى بافارى
شاورت باليد قام	شاورلى هنگارى
صحيت انا من المنام	اقرض فى اظفارى

توت عنخ امون

من عهد ماكتنفوك في القبر يا فرعون
 داست بلادك ملل من كل شكل ولون
 وخلصوا منا تار مومى وتار هارون
 وبعد جور الزمان ، والى جري فينا
 ظهرت لما بقى لك في المنامه قرون

مش عيب عليك تستخبي نص مليون حول
 وكل من جاك بلادك يسأل ابو الهول
 لا يروح بسرك لا بمشاوره ولا بالقول
 وجا الزمان الى يلاقوا المناجم فيه
 عتر عليك لورد يفتش على بتول

في مصر كنت الملك لك جيش ولك حاميه
 في دوله غير دولتك ماتتعمل موميا
 وامه غير امتك ماتزرع الباميا
 ولما خشوا عليك المقبره يلاقوك
 نايم مفتوح ولكن في بلد عاميه

على الربابه

الشهاده

يقول الفتى المصرى بتاع المدارس
 العايق السكتين ، بتاع التيم
 يامن يبادلنى ، وياخذ شهادتى
 بجلبيه : ولا بالظور قديم

واخذ شهادتين ، ابتدائي وثانوي
 ومش عارف اكسب ولا ملين
 تسع سنين اترى في المحط والشقا
 ياريت أهلى كانوا ربوا
 والله البهيم يولد وينباع ويندبح
 ولا يلزمه غير حزمة البرسيم
 باع لى ابويه النعص بيت اللى حيلته
 واهى رخره باعت المباريم
 سوق الوظائف فين يظاهره ياسيده
 شبع دوجه واكتفيت تلطيم
 حافظ بروجرام الصياغة الموضب
 توضيب مهندس مستخبي لثيم
 يطلع التاميد بين البنت والولد
 لاهو صاحب صنعه ولاهو غشيم
 ابعت لنا القاباريك الهى من السما
 هى اللى تغنى فقرنا ياكريم

الحريم

فايقه وزكيه

— أنا حافتح شباك يازكيه دى طراوه وساعة عصريه
شوفى يحتى الناس رايمه وجايه والعربيات المليونيه

— حلاوة بيتكم يحتى يافايقه عالشارع وله شكل وهياؤه
ياما باقى ف بيتنا متضايقه كدا وحدى وقعه طيقانه

— الشيخ دا بوجه طرايشى وحزام متدلل مناوئشى
جا خطبنى وبابا مارضيشى قال مارضيش يسكن وانا

— شوفى شوفى الراجل ييميل عالشبهه الى معاها العييل
وهو بيكلمها المتنييل وهى ردت رخره التلقانه

— وكمان بتجاوب بملاطفه وهى داخله معاه جو العطفه
يخفى النسوان جاتهم قصفه نسوان اليوم الندمانه

— ولفندى الى ف ايده عصايه بيعا كس انشبه أم ملايه
جاك نيله دى زى الحرايه شوف لك واحده تكوز ملايه

— ولفندى الى بيدله رملوى دا يوم اتى يفوت م النجى
يستقتل وف حاله وهادى كدا زى المعزده السهتانه

— وادی جوز بنت أم حسین أفندی
 أهو د الی هناك الی معدی
 وف صدره المندیل الوردی یا خسارته ف اسما الصدمانه

— بیقولوا الناس دا مغلبها ومجوعها ومعذبها
 وابصر مین کان قال سیبها ومرافق واحدہ خیبانہ

— یحیی جاتہا مصیبه ف خلقها دا جدع یستاهل رقیبها
 هی الی بغل بسلامتها تنظر لفلانہ وعلانہ

— خشی احسن بابا اهو جایشوفنا من راس الشارع یکشفنا
 یطلع یشتمننا وبکشفنا وابات انا ونقی زعلانہ

الحب

کان الی کان والمستور بان مش یکفی جنان
 ما فاضل الا الحب کمان والزمبلیه سطات

یا قلب بعد ما کنت سعید تعشق وترید
 الحب نار لو کنت حدید تصبح ماتبات

دالی جری وصار للعشاق مکتوب فی اوراق
 ما بین دلال ووصال وفراق العاشق مات

اجد شويه وخليك صاغ بلا قلب دماغ
دى شغله تانيه وعايظه فراغ وصفنا الاوقات

ياللى تقول الحب نعيم بس أنت بهيم
مايعامك غير التلطيم بين الجمالات

حسدت عاشق على معشوق لو كنت تدوق
تعلم بأن الحب خازوق مش بلح أهميات

ماحد منه بلغ أمله وركب جملة
ياما عمل وبلغ عمله بدع الستات

آه لما تاخذ مره ميعاد وتقف منكاد
تقول ماجاش البنت ياواد ليلتك حسومات

تقف من اثنين تحت الكن لخصه ترن
لاست ولا ستوته تحن على الشحات

ولا اما تتمحك عالباب وييجى البواب
ويسألك إيه الاسباب لك ست ساعات

يايقول عليك سافل ماعون يايقول مجنون
يبقى ان مان كادايكون دايكون ضرب مقتشات

الحب له تخايل وأمور وتاريخ مسطور
ودعس كبس من المأمور بالعريبات

الحب خلا ناسات سهرت وناسات كفرت
وياما ناس فيه انتحرت في الدهبيات

ومش مصيبه اما الانسان شرفه ينهان
لما يكلم دى النسوان بالعرضات

نسوان بلدنا بقت بالكوم ارخص م الدم
والحب راجر صبح اليوم بالكسوات

واللى أنا متمعشق فيه وبروحى أفديه
ماشفت له فى الدنيا شبيه ولا فى السموات

من بعد ماأحلف بالله احلف بهواه
وعشقى له طاهر ترضاه كل الديانات

والقلب ذا يانور العين مايساعش اتنين
غيرك مفيش يام الهرمين معشوق بالذات

بين القبور

ياريس الفن ياسارح بارغولك
ان شفت بين القبور أطرش ينادى لك
زمر على بلوتك وجميع هلاهيك

طالب من الله وليه طالبه العبيد منك
اجرک على الله لا اجرک على فنک
زمر على بلوتک الله يزيج عنک

الليل وياعين سهرتى بين تجار النوم
الفن دازين وغيه بس يرضى القوم
يوم الحساب دين يوفيه الجحود فى يوم

اعداء واحباب عليهم تنزل الشياطين
وتقول ما تتعاب جهنم تحشر الظالمين
فيه الشفيغ غاب وأهله فى العذاب خالدين

بمحكم جبار
فى سجن من نار
لاليل ولا نهار

فراق

ياســــــكندريه ياللى زايته البحر الابيض
يانور غنيـــــه عاشباب وعايكى يعوض

كتمت تارى
وفضات ادارى من نهار البين فى ضلوعى
عن عيون الخلق دموعى

رأيت موانى
ماشفت تانى
عن عيني ملكك وشمالك
فيه اثر من بعض جمالك

واللى طوبته
فراق ياريتـه
كان علم يخفق فى هواكى
كان فراق الموت وعزاكى



عطشان يا صبايا

عطشان يا مصريين	عطشان يا صبايه
متعكر مليون طين	عطشان والنيل في بلادكم
ولا مية نهر السين	ولا نهر الرون يرويني
نار القلب الحزين	ودموع العين ما بتروى
سبحان رب معين	شده وتزول ياه معوض
ظالموني واشكي لمين	دى ثلاث حكومات ياخوانا
كاساتك مليونين	يا بنت باريس استميني
عشرين عام عالمجين	فاضل عالعتبه الخضرا
زغروته يام ياسين	زغروته يام سدحم
وازور سيدنا الحسين	راجع اتوضى واصلى
وايد الباشا التخين	وابوس ايد الشيخ بلبع
ولشعبان طيبين	واقول سلامات لخليفه
عن كار الجرائين	واتوب على سيدى لاطو غلى
والسكوديه ام اسماعين	واتجوز بنت الماشطه
واخدم فى الدواوين	اياك يتعدل بختي
وابقى البيه التخين	والبس لى سموكن مقصب

وبتمشى عالمجيين	ياما ناس في نعيم وف نعمه
للغابان الفطيين	غيرشى جعلوا التخشييه
من مرسيليا للصين	يخرج منها ويتسوح
يعشق بنت ال ٩٠	دا جازاة الخايب الى
اهداهما مرعرعين	شايف من تحت البرقع
وسنانها مهرتين	ماحبش حنكها مطبق
والراس دى راس التين	والفم المحموديه
اهل الدنيا والدين	وتحب كان وترافق
ولا بيع الفلين	ولا تطرد بيع رنجه
يتعدوا بالملايين	وولادها اسم الله عليهم
بياعين شرايين	رجاله وصنعايعيه
والتانى بتاع مصارين	واحد تاجر طعميه
واللى بيع مبردين	واللى بيع جوافه
قاعد فى وابور طحين	وواحد كمسارى افرنجى
وفنسلات معتبرين	واتنين سارحين بكلونيا
له فابريكة كوانين	والحاج محمد برعى
مشهور فى الكعكيين	واخوه له معمل طرشى
قاعدين متصنعين	والكل يزيد ويبارك

ماينوب الواحد منهم غير قفل الدكاكين
يارازق جيش الازهر اياك نستعين

يا باريز يام بلاد بره يامريسه لامرتين
بعثت لك ام الدنيا شاعر في الشعر متين
يعمل اشعار لبرابره وصعايده وفلاحين
وتلامذه وازهره وخوجات ومفتشين
اياك مايموتش عندك في ازيل المساكين

على الربابه

فرنسا

قضيت حياتي غريب في ارض فرنسا
يا ويحه من يدخل فرنسا غريب
لقيت كلام القوم شهد مكرر
لكن عيونهم تشتعل لهاليب
مليون اوتيل مفتوح يتاواوا جتتنا
وخدامينها ؛ كل واحد ديب

يرجع كلامنا والصلاة على النبي
 للرسوران والرقص والتخشب
 عشر غيلان واقفين عليهم سموكن
 حول الغيلان قاعدين بنات مكاليب
 ياما انجليزى انشال بدفتر شيكاته
 وياما هندی رجعه سنديب
 دفع الفتى ... خان ملايين ربانى
 لبنت قرعه ماعليها ريب
 والى جرى لفهمى من امرات فهمى
 خلت رصاصها فى ضلوعه يغيب
 اتعس عباد الله هناك الاجانب
 اقولها والمسولى على حسيب
 الى دخل بفلوس ، ياضعة فلوسه
 والى دخل يكسب جزاه توضيب
 يدخل يشوف مالىين قزان المسابك
 فولاذ مسيح فوق دماغه قريب
 عليه رئيس واقف ، وراه الجرادل
 شايلينها من كل الامم منها كيب

ميل قزانه بالدولاب عالجـ رادل
 كانه في الجر دل يصب حليب
 خمس تـلاف درجه ينط شرارها
 ويطب يخرق اجد المراكيب
 ولو تشوف ياخال مصانع غازاتهم
 تخنق عـدو من غير حروب وحبيب
 من كل بير يطبخ «كلور» المـانـيا
 اغوط من البركان واقوى لهيب
 واقفين عليه اشباح عليهم كلام
 متحضرين للغـرف والتقليب
 ومن بعيد جاعلين عجوز وعجـوزه
 فاتحين لوكانده زيم تخاشيب
 مين راح لهم غدوه بنص اليوميه
 بشوربه سايطه والفروطه زيب
 ومن اكل يسقوه عصـير البتاني
 ومن سكر يرموه في جرف قضيب
 كام مغربي مسلم نطق بالشهاده
 وياما جرمن صلبوا تصليب



الامتيازات

المولى ناظر لعبيده	فوق شطوط السين
جاب الجمال بدره بأيده	ولا بالانسين
العسكري الزنجى يريده	بالقليل بنتين
الكل دوله فى توحيده	جات بلادنا البين
المبتليه بكوتاريللى	عرة الخواجات
المبتليه ببلقانى	نحس البلقان
وكل بلوه سيسيليانى	خاف من البركان
ساكنين لى فى الدورالتانى	وحنا فى الكنفان
اشرب ودوق ذلك باللى	تكرم القفوات
اللطخ فيهم بهالته	يكسب الملايين
والنبدل فيهم بسفالته	باع لنا الكوكاين
واللى فرش لامه وخالته	فرش فى الدكاكين
الله لا يحمى ولا يخلص	يغمة امتيازات
يابو الشهاده المختومه	دكتوراه فى حقوق
مادمت بتقول يا حكمومه	شغلى المزنوق
لاعزى امك فطوممه	دى اللي والده خازوق

وانزل عليك انت بشومه وابعتك للسوق
تشيل مواهى المتولى صاحب الكرامات

داخل لنا بتقل وضحه زى ماتقول هون
وفى المحافل تنهجي كلمة السربون
ومن الحكومه تترجى شغله فى الكركون
او يععلوك يابن الججه عمدة البجامون
تظبط جنايه وتعمل لى شامبيون ناشانات

مونبلييه

زريبه متطرفه ، فيها المعيز سايبين
ترعى حشيش المحبه والرعا غايبين
سبع مراكب بتشحن ، عد بالطرزين
دكتور مهندس محامى والجميع خايبين

دكتور وراجع بلاده ينجد العيان
وهود فيه العيا اربع خمس ألوان
تشليل وتشويس وقول هريس وقول سيلان
يعدى السليم قبل مليشنى المريض ياشاهين

وفي البلد واد مهندس بس في البوكر
ضاع نص عمره ياريت كان ضاع في طوكر
له كل أسبوع جواب من والدته مسوكر
تسأل على الهندسه اللي اتكلفت ملايين

وواد بيدرس تجاره ، انما نصاب
يقبض مايدفع ولايحسب لحد حساب
ان جاه مطالب بدينه ياطعه ع الباب
ويقول له خليك مؤدب دحنا مصريين

سألت شيخ الاساتذه في البلد دى سؤال
عن الشهادات اللي بنشوفها مع الجهال
قام «شد» عقب السيجاره والتفت لى وقال
«حار الطبيب والاديب فيكم ياشرقيين»

بيطار مواشيننا ينفع عندكم دكتور
والبنا ينفع مهندس يبنى ستين دور
ون شالله يبقى اللي داخل في بلادكم طوكر
برضك تجوز له العباده* في بنى القفاطين

فالحمد لله بقى عاجلستر والبونجور
وعالمونوكل اللي زان العور ولاد العور
والفلس والهلل : والطونجور، والسكونكور
لاعلم نابههم ولا أخلاق بقت ولا دين

بردون ياشعراوى

يا بنت	باني	الهرم	لمى	هـلا هليك
والبرقع	الى	انحرم	ويا	عن ربيك
يكفى	لومان	فى الحرم	فى قيد	خلا خليك
ما شفت	زيك	سجين	ساكت	ومتاوى

غلبت	أقول	للرجال	خلوا	المره	حرد
تخش	رخره	المجال	تمهم	وتتدري	
العاقله	بنت	الحلال	ما يضرهاش	بره	
لكن	بتنصح	فى مين	روس جامده	سنطاوى	

راية	ولاد	العرب	فى الارض	منكوسه
طول	عمرها	والسبب	احسان	ونقوسه

والله اللى قال ما كذب نسواننا موكوسه
حتى اللى متعامين بردون ياشعراوى

جهل النسا بالعلوم خلانا انتيـكه
نفهم فى فن الهدوم رقعه وتشتيـكه
وفى البلد عالموم ماتلقى فابريـكه
غير فابريكات الطحين فليـجى بدرأوى

ان كانت أم الولد فى الزار بتتبخر
تجيب حمار للبلد فى القطن يتسخر
قبل الحمير يتجلد لو مل واتأخر
وسيد الشغالين هو الاوروباوى

من قلة المصنوعات المسعدين قلت
وايه شوية ذوات بالامتياز زلت
وأهل العمل والنبات اعمالهم اتحلت
أما اللى فاضل متين ده حبل عشماوى

يابنت بانى القصور راجل ينساديكى
بينه وبينك ستور مدى اياديـكى
وفكى عنه السيور الله يقويـكى
وكونى اينده الثمين فى اللى عليه ناوى

الفلاح

الاوله آه والتانيه آه والتالته آه

الاوله عيرونى : ان نا فلاح
 والتانيه ازرع واقلع للى نام وارتاح
 والتالته آه اللى احبه شط منى وراح

الاوله عيرونى ان نا فلاح — بدفيه
 والتانيه ازرع واقلع للى نام وارتاح — فى دهبية
 والتالته آه اللى احبه شط منى وراح — فى صبحيه

الاوله عيرونى ان نا فلاح بدفيه — وعيشى حاف
 والتانيه ازرع واقلع للى نام وارتاح فى دهبية — بميت مقداى
 والتالته آه اللى احبه شط منى وراح فى صبحيه — ماقال عواف

الاوله مش بايدى داقضا محتوم
 والتانيه ومسيرها ناس تفرق وناس حاتعوم
 والتالته ميت هم يرحد الف هم يدوم

الاوله آه

والتانيه آه

والتالته آه

على محمد شحاته

« ذهب هذا الشخص إلى محافظة العاصمة يبلغها عن وجود
مؤامرة لقلب الدولة وكادت وشايتها تنجح وتوضع رقاب عشرات
الشبان في جبال المشانق. ولكن اتضح أنه كاذب »

في البلد دى الغل ضارب	في الغرايز والطبعا
قول في نيلها ومنه شارب	الا كابر والرعاع
هو والله اللى خارب	بيت أبوك يا أبو السباع
بالسلاح خلاك تحارب	والسبب طورة زتون

البلاد فلاحها قاسى	منتقم خاين عويل
بالبلط رأسك وراسى	لو تقول شيلهم يشيل
قوم وعد ان كنت ناسى	كل يوم خمسين قتيل
لا، وجانا اليوم سياسى	قصده اصلاح السجون

السموم من ايد حريمك	تندفس لك في الطعام
والعيار من ايد غريمك	ينبت لك في الظلام
والحرامى ان شاف هدومك	تعجبه صلى وصام
في البلد دى مين يلومك	لما تسكن في حصون

شرف على محمد شحاته	الفتى العصري النصيح
عاجه فقهه بالتمباته	شغرى النصب المايح

بالطلاق يحلف ثلاثه
الجدع غاوى الشماته
انه يعرف شىء صحيح
واللى يبقى يكون يكون

بعض شاف الدنيا عامره
حب يشعل فوقها جره
ماتداريش وش الغراب
يشوى فوق منها الكباب
قام وبلغ عن مؤامره
ان خسر يخسر مقاميره
تجعل العامر خراب
ون كسب يصبح قارون

ناس يقولوا حكمه صايبه
راس عديمه الفايدة خايبه
كل شرقى له راسين
ماتساو يش الصرمتين
والكبيره تجيب له نايبه
ياعلى دى حكمه غايبه
تستحل الاخضرين
عن كاموخك والعيون

كانت اليوم المشانق
وانت فى النسوان تعانق
تشتغل لو صدقوك
بالفسوس لو اتحفوك
تنفخ وتقوم تخانق
يعنى قل لك ضر زانق
فى العباد لو ونحوك
يجعلك فوق القانون

الاختلاسات

ياواد يافندى الديوان معفن
حايط بطوك عن قيريب مكفن
من كتر مابتدشى فيه وتدفن
بسرقتك والحنوط عاين

اتوسطت عمتك حنيفه وخلتك ام ابراهيم ظريفه
 لخدمه البيه عطاك وظيفه يادوب عشان تقبض الميه
 جيت انت يا دولة الموظف بدل ما تهتم او تنصف
 بديت لنا تختاس وتخطف من مال جناب امك الماليه
 الهف وشيل في الفلوس يا شاطر وشغل اللبس في الدفاتر
 دا كل راجل شجاع، مخاطر والجبن للطفل والوليه
 اسرق يا مجدع وخذ عنينا يا مضحك الانجليز علينا
 ما دام دا عاجب امك امينه اعمل خلاصك يا نور عنيه
 في مصر اربع تلاف محامي اشوف عددهم اقول يا حامى
 اتارى فيه مليونين حرامى وكل واحد عليه قضيه
 ياواد يافندى العقاب قريب في ذمتى انك عملت طبيب
 لابد من يوم يجيبك يشيب سعيد يزحك من التكيه
 ان كنت تسرق دى حسبه واهيه اسرق وخليك تروح في داهيه
 تصبح بيوت الحكومه زاهيه من خلقه المجرم الرديه
 ان كان يحب الوزير يوفر يقوم يراجع في كل دفتر
 يلاقى نص العدد واكثر يستاهل الرفت والاذه

لو نربط الخبص والرشاوى نرتاح من الصرف والبلاوى
ولما قال يرفعوا الدعاوى يبتقى الى يحكم تجيبه رزيه

داجيش يا عالم بالف فرقه بتنصرف له الفلوس بحرقه
لله فى الله كان وسرقه الله يخيب دى فتنطزیه

ناظر الوقف

يا ناظر الوقف ! من رب العباد ماتخاف
ولا المحاكم بتملك منك الانصاف
ون كنت اجازف واقول ان البعيد خطاف
اطلع انا المعتدى وانت من الاشراف

الوقف لك مملكه والعدل عنها غاب
لا برلمان يخضعك فيها ولا نواب
عشر سنين وانت تبلى لم حسبت حساب
والمستحقين وراك ما يلتقوا عيش حاف

اول سنه رحى لك قلت اما اوفى الدين
تانى سنه قلت لى جارى صلاح العين

تالت سنه رحت انا حجيت، وزرت الزين
 رابع سنه رحت لك كنت انت في الارياق

خامس سنه خمست عالمكمه خشيت
 الحـد قاضي الشريعه عالبساط وبكيت
 طول لتاسع سنه حبل القضييه ياريت
 سامت امري لربي، خافي اللطاف

ياناظر الوقف خايت العبيـاره خل
 ونت اللي صبحت وقف المسامين ينحل
 بكره الايادي الجديده بالفلوس تنبل
 ويسر سبوها على اروام وبنسيوات

البرد

ديسمبر يناير شهور الجواز يا بخت الي قبض ودخل وفاز
 يشوف الليالي السعيده اللذاذ ليالي الغطا والهناء والسرور

تفنظ وتنفد من الزمهرير وقهوة متاتيا ام بربخ كبير
 ولا يصدمك في طريقك غفير عشان التجري يجيب لك طابور

تخضر لزوم الوقود والكوريك وتأخذ مراتك وتقف علىك
وقلغ ودلغ ومتع عنيك وقولة مراسح مكاسح تغور

إذا المولى وفق وكان المزاج مذكر مؤنث وفيه امتزاج
لتشهد وتختم بأن الزواج فيه الحظ أكثر في كل الأمور

وحاسب لتسمع كلام الشيطان وياخذوك معاهم حسن وسليمان
لتدخل في بيتكم مره من الجيران بواد بغل بالغ وناقصه الطهور

يوز الوليه الشيطان اللعين تروح لاعبه (بصره) مع السهرانيين
ولا بد دول يقعدوا مة عمزين واحنا ف زمان المودات والسفور

تنام الكبيره ويبقوا الصغار في اكشف وشيل والولد في القمار
ضروري الى يكسب ياسيدنا الحمار

وميت الف راجل يساعهم ماجور

طاوعنى اما يدخل عليك الظلام

تجيش بضاعتك وتدخل قوام

تأفين ، تسيح ، تهجص تنام

منفيس في القهاوى خلاف الشرور

منفيس في القهاوى خلاف الدقون وسحنات جاموسى لازمها القرون

وخلقة مخالى الى عنده الزبون خروف يوى يقبض عليه العشور

الخدام

(حادثة حقيقه)

من كان يتيم ضاعت اهله	في البلد دى اهو ضاع
واتعد من ضعفه وجهه	بالليالى وجاع
لو كان اسير كان على مهله	للذوات ينباع
لكن اهالى بلاد حره	شغلوه خدام

وقع فى ايد جلف جعيدى	عندهم اطيان
ججولوف وينقال له ياسيدى	ما اسعد الخرفان
ان حط فى جيبه الميدى	ما يحبوش شيطان
اخذ الولد من غير اجره	لو سالت بكام

تلقى الجعيدى فى جميعه	فى عماد الدين
ليلاى سكر وتسليه	سحت على الوارثين
يوم . خشن بيته الصبحيه	كان مدرمغ طين
غير المعاجين والحمرد	كان شامم له جرام

دعبس فى خرجه وهرابيده	ما التقاش ماكول
عطا الولد نكلة ف ايدو	قل له هات بدى فول

قضى الولد شغلة سيده	دالى	كان	مصطول
وجاى داىخ من بره	ينقلب		وينام
شمشم وقال لاسير بيته	هات	قزازه	الزيت
راح الولد جايها ياريتيه	كان	كسرهما	ياريت
صار الى لو كنت رأيتيه	كان	ياشوم	ما رايت
شوف إيه بتعمل فى الاسرى	امة		الاسلام :
ام الجعيدى الزهلايه	يعنى	ست	الدار
فايته القزازه عريانه	خشها		صرصار
وحوله عشرين ديانه	غير	وسخ	وعفار
كاسى القزازه بالمره	من	تلات	اعوام
مسك القزازه فى يمينه	والولد	فى	شمال
وراح كاسرها على جبينه	قال	جزا	الاهمال
زعلان وطالع قال دينه	حضرة		المفضل
فاكر دماغ الواد جره	او	فاكرها	برام

نسايبى

ناسبت واحد مقاول اسمه نصر ياسين
وله قرايب وبنت فى عطفة الكوانين

وله تداخل مع العالم شمال ويمين
وحاجه عقبال أملتك . أنت والسامعين

بعد الفرح ما انتهى التي العروسه عداك
واللقمه بالغصب ماتنزل ولا يخفالك
قعدت اثم الهوا للصبح في الشباك
وابص أشوف لك نسايب في الندا جاين

عديت حذاشر مره بالعرض ماشيين صف
محرين الحدود ومخضبين الكف
أما البراقع كريشه والمللايات لف
وكل واحده ، معاها ، عيلين حافيين

وكانت الساعه ٦ وقت دى بالظبط
ودوروا الهبد في باب العريس والظبط
فتحت لهم بنتهم نزلوا عليها عبط
وبوس وقالوا انتو لسه ادلعدي نايمين

دخلت حماتي مع مراتي ؛ وجم عندي
قالت صباحك لبن يامصطفى أفندي
قومي يا بنت البسي فستانك البمبي
واتزوقي ووري روحك للمهنيين

قالت لها بنتها : دول غرب ، يا خرابي !
 دي مين دي يحتى اللي لابسه البدله عنابي
 ومين دي رخره أم باطو كنه سنجابي
 والتانيه ديه اللي قاعده بالمقور مين

قالت لها الأوله : ام ابراهيم صبرى
 والتانيه تبقى حماة خالد على البدرى
 وجات معاهم مرات عبد المجيد قدرى
 والباقي خالتك وعماتك ، وناس تانيين

راحت معاهم العروسه والمجال عقدوه
 طالضحك والانبساط واللى يعيدوه يزيدوه
 ووقفنوا لى المنبه والدومان كسروه
 لغاية الضهر ناس راحم ؛ وناس قاعدين

واللى قعد ، م الجماعه ، كلهم كرا كيب
 الى قريبة العروسه ، واللى جوزها قريب
 جاينين يشوفوا العدل والفرش والترتيب
 ويشوفوا وقعها حلوه ولا زى الطين

قالت خالتها عطا كى كشف وشك إيه
 قالت لها حط لى خاتم ذهب وجنيه

قالت يا خيبة الأمل ، خاتم ذهب ، أخيه
أقل من جوز أساور بندقي تسعين

قالت لها امها : آدى اللى أنا حساباه
من قبل كتب الكتاب قدام ياسين قايلاه
نهايته قسمتها بس القصد كله هناء
وقوله الصيغه تتندبر ومش عايزين

دى بنتى ونقى اللى عارفه ، واحدة العيله
لامن قهرها ولا من خضها ليله
حارب عليها ؛ دى تبقى والنبي ميله
خليه بحملة شوارها اللى أخذ ملايين

وبنتى ياستى ام سالم اصلها طلبه
من الخميس للخميس ، بفتح لها العلبه
ومن الشتا للشتا ، اعقد لها الحلبه
واحط فى زارها بالחסين وبالسنتين

فى الوقت ده كنت أنا عدىمان فى عيني النوم
من السهر والقرف والغلب طول اليوم
غفلت لحظه وصحاني هياج القوم
ساعة ما كانوا الجميع من غير سلام نازلين

بيت رضوان

سكنت بيت جوا حاره ، اسمه بيت رضوان
فيه كل ماتشتهيه ، الفشه والمصران
من الضباح للغروب ، اهجم على الدبان
ومن الغروب للصباح . أجرى ورا النيران

في اول الشهر صاحب الملك وصانى
على الملاقى وحفظنى وقرانى
قال اوعى حاسب تعيسد الحظ من تانى
لان يوم طب فيه واحد وكان سكران

رضيت ، ومن يرضى حتى بالعذاب يرتاح
وفضلت وحدى ، ماليش صاحب غير المفتاح
بعيد عن الشر ، جانى اول استفتاح
تهمة غرام ، وادعتها أوحش الجيران

جاره عجوزه . ؛ ولكن عايقه غندوره
حاطه السنان الذهب ، والقمطه عالقوره
اولادها جدعان ثمانيه والبنات طوره
وجوزها مستهوى مقطوع النفس دهيان

الست بتحب سرا ، واد مجاور شيخ
يومي على الله ، تدخل له ، بصحن طبيخ
راخر يحبيب الهنديه ، م الاجازه فسيخ
لا القرع يظهر ، ولا قشر الفسيخه يبان

اما العذول الى شايف دي الغرام جاره
عرجه ، وفوق ضهرها ، كمبور ؛ ومكاره
خات فضيحة الوليه شايعة في الحاره
وناويه تمسح تبليغ جوزها في الدكان

سمعت رفيقة المجاور دي الخبر في الليل
وجوزها داخل ليلة جمعه ؛ وعنده ميل
شهقت ومالت ، ودبت صدرها بالحيل
قال جوزها مالك ماهي الدنيا بخير وطمان

قالت جابو لنا جدع عازب وحطوده فوق
جدع يابو فرغلي ، بارد ماغندوش ، ذوق
تبغني نوبه من القلميه لباب اللوق
نهار ماخبيت ازور البنت في حلوان ؛

واللي له خالتي قاعده بالقميمص المور
وهو عالسطه في الضامه ونا في النور

دعس عليه ؛ لا ياساتر ولا دستور
مالحقتش اتغطي والبارد ضحك لي كان

اهيء مهيء ! ينضرب قادر مايوعى يبات
 اهيء وينشك في قلبه ولم يتغات
 وينضرب زي ماخلائى قاعده وفات
 وشافنى من فوق لتحت الصايغ النسدمان

سمع صاحبنا الحكايه ؛ تلتته طالع
 على السلام وعينه فصها والع
 خبط فتحت ؛ التي ده راجل كبير قالع
 وماشي حافي ؛ وفي ايده عصا خرزان

اول ماشاف وشي قال ياعن ابوك خنزير
 وابو اللي جابك هنا ؛ عبد الله افندي بكير
 وابو اللي ييجي يحامي لك ؛ كبير وصغير
 بارد قليل الحيا ؛ دمك صحيح هربان

عشرين سنه ؛ ما بن آدم شاف حريمي يوم
 وبيتي جامع ما فيه غير الصلاة والصوم
 حتى البنات والعيال عايمين على دى العوم
 وازاي ما تدخل في بيتي ؛ والحريم عريان ؟

اطلع لي بس كده بره ، ونا اوريك
 واجيب لك ابني الكبير عبد اللطيف يعميك
 وابني كامل افندي ، في البوليس يا ذيك
 تفيت وقلت استعوذ بالله من الشيطان

على إيه ياعم البوليس والختوته والهرجه
 احلف يمين اني في الدخلة وفي الخرجه
 ماشفت في البيت دا عمرى غير مره عرجه
 وواد مجاور بحجه اصلها ققطان

ردت وقالت لي منك يا جدع الله
 انزل يا ابو مصطفى دا شغل انا عارفاه
 انشا الله من جاب في سيرتي ينضرب في حشاه
 وتخوض في دمه اليهود والمسلم السكران

نزل وقال حابقي اشوف شغلي انا بعددين
 واجعص جعيص يبتسم لك ولا يقرب عين
 عن اذني حطى صوابك في عنيه لتنين
 بقول على علو حسى ؟ قدام الجيران

ركاب سوارس

ركاب سوارس بعيد عنكم شلق هلافت
والعبد لله معاهم وبن حنت حنيت
اول مانركب يدور القفش والتسكيت
ون طالت السكه نحكي لبعضنا حواديت

قصدت يوم الحسين اشرب هناك خروب
جات قعدتي بين جدع عايق وبين كركوب
وشبهه في الوش قاعده وابنها المقلوب
بيعوى زى الى را كبه ستميت عفريرت

طلعت لنا شبه بص لها الى جنبي وساح
طلع كان بعد منها شيخ بلد فلاح
بجمله خرجين وموهيه حطهم وارتاح
قال العجوز الى جنبي سوق بقى ياخيت

القفل سارت تامل ، كل صنف وصنف
في خطوه والتنايه يتشعبط علينا جلنف
وواحد في حضنها قرطاس يزك الانف
قرطاس ملان بالكايخ والعككه والحلتيت

ياخلق لسه الولد نازل بـكا وعياط
والوش غرقان لشوشته في عمـاص ومخاط
الحلوه قالت لامي : يختي ابنك شاط !
قالت عايزني اشترى له ادلعدي كـتا كـيت

قال الافندي هاهع : ابنك دا طالع ديك
والحلوه قالت هي هي ، والدك مالـهش شريك
الام قالت دا يختي في العيال ، داعديك
دايما ماسك لي الصوات . قال دا زمن تصويت

الحلوه ساوت هـدومها ، يعني انا نازله
لفندي بالمثل ساوي البلطو والبيـدله
وقف سوارس ، ونطت ستنـا قبـله
والواد ورا ، والجمـاعه دوروا التـلفيت

كان في الجماعه جدع احمق ، نطق في الحال
وقال تـلم ياغـجر ! مـعلوم ! تـمام ! امال !
اتقل ياواد ، مش كـيده ! بـزياده يخـتي دلال
اه ياغـجر ياـشلق ، يادون ياـعـكاريت !

قال له المعجوز يا بني خـلي الخاق للخـالق
قال ! انت مالك يا بارد ! قال ! حاتـخـانق !

مهو انت اهو في اللي جنبك متغرز زائق
كان حد قال لك احم ، او حد قال لك كيت؟

اهل الغرام حودوا ، والعطفه دارتهم
واهل السوارس في حستهم وغارتهم
ناس بالسـلام في الزقاق لاهيين في حادثتهم
وناس على الحادثه ذاتها ؛ دوروا الشلايت

قام رد شيخ البلد قال يا جماعه يا هو
بدل ماتتخانجوا ؛ كنتم عنها تحوشوه
عبال ماتهرب كده ولا كده ؛ ايوه !
لو كان دافي الفلاحين ، كان كلها بالنبايت

قالت له ام الولد ؛ اهل البلد عايبين
ياسيدي تنبح في حسك ؛ واللى يسمع مين
رايح تزور الحسين ؟ قال والله اهو رايجين
منها زياره ، ومنها مشترى ، ومبيت

شيخ البلد في الخناق ، راخر لحم واصطاد
في هيصه العركرة ؛ اعطت له الوليه ميعاد
نزلوا الجميع الحسين ونزلت أنا منكاد
نازل لوحدي ، ولا صيده ، ولا تزفيت

تاجر دقيق

تاجر دقيق انعم المولى عليه وعطاه
ودخله في الطريق الاحمدى وهده
وخش في الدنيا واتجوز في عز صباه
وبعد شوف البكارى ، حج بيت الله

التاجر اسمه حسن من يوم ما امله جابوه
لا في مصيبه ولا في مدرسه ودوه
لكن فقط عالمشوره والطبيخ ربوه
طلع تقول بذكر شامى جل من انشاء

وكان خليفه الطريق عامل صاحبنا وكيل
موكله عارايات الخضر والقناديل
راح الخليفه من الدنيا وقال يار حيل
وسلمه كل شىء من بعد ما وصاه

فاتت مرارة الخليفه نوبه عالمكتب
شافت دا قاعد بشيشته يحسب المكسب
ونوبه مطرح راجلها ماشى في الموكب
بين الشموع والرايات زى القمر في سماه

حبت نظيره ، وقاست في الغرام شده
وتسهر الليل لاسند ولا مخده
ما صدقت لما فاتت مدة العده
الا اما بانت على ام العيال واحده

حسن بحسب الشريعة قسم الكيله
صبح يبات عنودي ليله ودى ليله
يخلص من الشيله يمشى يلتقى شيله
والعز ما يحرمك من نعمته قواه

جات يوم لسيدنا مره : لكن مره خفه
من تحت برقعها بان السن والشفه
نادره تطاهر مجد ابنها بزفه
قدامها تمشى الدلائل والخليفه وراه

قالت له يادلعدي عايزاك تمشى له
موكب من الناحيتين تولع مشاعيله
وعايزاك انت اللي تمشى جنبه وتشيله
دا ابني اليتيم اللي انا من ربنا شاحته

قال للمره : انتي اختي ؛ والولد ابني
وحياتك انتي ان ما كانت زفه تعجبني

اعملها من عندي نقطه : شيء ما يخريني
ما بقاش حسن ، غير ما احب لك كل شيء عايزاه

قالت ما يلزمنا غير رؤياك وسلامتك
 واكون انا رخره محسوبتك وخدماتك
 ولك حلاوتك كوفيه تستاهل قامتك
وفوقها منديل حرير ، بيدى انا شاغللاه

زف المطاهر وجاب نقطه فوشيك وشموع
 واستنى لما المطاهر فات عليه اسبوع
 اتجوز ام المطاهر رخره ، والموضوع
كامل بحمل الثلاثه ، والتلاته معاه

كانت مراته القديمه خلقت ولدين
 وجات مرآة الخليفه خلقت بنتين
 وام المطاهر كان واحد بقوا لها اتنين
والتسعه زى العلق متعلقين فى قفاه

والعزده لما كان حال الدقيق ماشى
 والناس تفتش على اللقمه ماتلقاشى
 اتغير الوقت والدنيا مامنهاشى
تبديل البدر ، وتضع زحل فى علاه

وابو على كان ضاربها ستميت جزمه
ولما شاف الكريزه ، والبلد ازمه
صفي التجاره ؛ وحضر بنكنوت رزمه
وحصل اللي في وش البركه تستناه

عايقه وفاتحها منزل فيه سبع شبات
فيهم مره حازها صاحبه ؛ اسمها نعمات
اخذ حسن يوم معاه خلقت عليه لبيات
من غير فلوس افتكر ان المره حابه

والصبح شالت معاه الشنطه والخاتم
والعايقه لما بدت كان سي حسن خاتم :
شان الفلوس عندها في الليل وراح خاتم
صبحت فلوس سيدنا ميري ؛ والمره طارده

قعد في خان الخليل لما اتفلس حاله
ماعنده غير التلات نسوان ؛ رسماله
يا بخت من كانت النسوان ساعياته
مطرح مايخرج فلان يدخل يلاقى عشا

وقول يا بختك بنسوانك يا حاج حسن
الناس لياليها سوده ؛ ونت ماتحزن
تلات حلال قوم وضيع في الطبيخ واتخن
غيرك له حله مفيش غيرها طبيخها عماه

أم فايق

سنى أم فايق ربنا يخليها
هانم وقيمه اسم النبي حوالها
آدى الكتاف والصدر مبنى وفوقه
قمر منور والمصاغ فى اديها

جوز أم فايق خدها تالت بخته
فى العمر تطلع ست مرات تحتته
لكن على دى السن شافت راحتته
راخر بزمة ربنا مهنيا

آمال صاحبنا طالعاش واتكعمش
لما بلغ ستين سنه واتكرمش
والست لسه فى الفراش تمقرمش
يسد جوعة كل محروم بيها

في الفجر أبو فايق من النوم يصحى
يخرج يصلي في يمينه السبحه
بالجمية والعباية الفاتحه
وفي الضحى يرجع ولم يلاقها

يقول لجاره سالم الفكهاى
ان جات مناسبه : حرمتى عاجباني
كمان أنا أما شفتها موافقاني
تخرج ، تغيب ، تقعد مخافشي عليها

قالت له يوم يادلعدي يابو فايق
من قعدتك في البيت كدا تتضايق
اديك بقيت دلوقت فاضى ورايق
قوم بيع معاشك والخرابه ابنها

قال يام فايق دى الخرابه كبيره
تعوز دواهى متلته وخميره
أما المعاش ينباع بحسبه صغيره
يادوب اذا قنا الجدار يكفيها

قالت أبيع كل المضاع واكمل
وارهن نحاسى واستلف واتحمل

واجيب مقال ياللا واعمل تعمل
تصبح عماره اسكن واسكن فيها

قال انتى طول عمرك مره داغونيه
ماحد يعرف لك ضمير ولا نيه
هلبت مانتي محوشه التقديه
وبتدعى لى الفقر وتخبىها

روحى اعملى قصدك ونا وياكى
مطرح ماتمشى بالامانه وراكى
حيث ان مسأله البنا عاجباكى
من بكره ياللا بالعجل هديها

الشمس تطلع وام فايق تسرح
والناس بتخسر وام فايق تربح
أن أوحشت مطرح تأنس مطرح
ترجع بخمسه جنيه ولم يرضيها

سحبت مرات عبد الحميد وبهيه
وبنت خالتى أم اسماعيل نبويه
ومراة أمين الجزمجي فوزيه
كانت تقاسمهم - غير الى يجيها

سكنت في حارتهم عروسه جديده
 من بيت أكابر في جاهها وحيد
 جوزها وكيل دايه صفاته حميده
 نادر مثاله في الرجال يقنيها

يوماني تدخل للعروسه طوايف
 يتفرجوا على فرشها الهيايلاييف
 بدع خلقها ربنا وتحاييف
 ايد المنجد طرزت حواشيها

عاش العروسه والعريس في هنام
 يهف من روض السعاده هواهم
 تاري ام فايق دي اللعينه وراهم
 ناويه تاجر البنت ، وتمشيها

اول زياره استوثقت لك منها
 ثاني زياره وشوشت في ودانها
 ثالث زياره عبعبت وصرانها
 حلفت نهارها البنت لاتغديها

خش الافندي ، كان نهارها القارحه
 بكلام مغطيه الادين وبطرحه

دخلت على الراجل بلهجه وفرحه
قام الشرح صدره ورجب بيها

كان الكلام بين المره والهائم
ان خش جوزها عن بضائع غائم
ون راح يدور شيء ربنا به عالم
قال الأروبه قصدها تسليها

قالت لها لوشفتي بختي شعورهم
الصفير وفصوص الفروز دي عيوسهم
والدم دالي ينشرب في خدودهم
وجوه جميله ، والتراب يتاويها

دخلت نوبه ؛ كان ظابطهم فايت
قال لي : سعيدة : قلت له : جودنايت
قال انتي حلوه ! قلت له : اول رايت
طلع لي خمسة جنيه ورق ورامياها

الست تسمع دي الكلام تتكليف
والوصفه تعجبها ، وجوزها سفيف
دخل ساروخ الحب فيها ما هيف
نار القواد ياناس دا مين يظفها

قالت لجوزها نفسي افصل بدله
 من نوع بدل بنت ام فايق نظله
 مفصله لها بدلتين عالدخله
 خياطه تدباس والنبي اياديها

قال الوكيل حيث البدل عاجبينك
 خلى ام فايق ترشدك وتعينك
 عشان عارفها حرمة جد تصونك
 تمشى مع بنت البيوت تحميها

يوم الميعاد راحم ونا بالخطوه
 تابع اشرف فين راح تاخذها اللبوه
 من مصطبه نتارع لعطفه لقبوه
 نقدوا على دائرة « اخينا » كاريها

عاملها من ضيقة خيامه معسكر
 خمس تلاف « جون » يسكنوها واكثر
 وف بقعه خاليه عالولايه تستر
 غير النساء البواب ما يعديها

فاتت سنين الحرب . واللى انقادت
 اتطلقت — اما الخرابه — اتعادت
 طلعت شفيقة الحج بعد ما تابت
 وعندها ربع العماره كافها

في التربة حطت تمانيه

لو شفقي يا نظله هانم خالتك ام رؤوف
والموت ييجرف عياها بالجاروف ويزوف

في التربة حطت تمانيه جنب بعض منقوف
وادي اللي فاضل على اديها ولد مقصوف

جابت في اول ولاده البكري في شعبان
في النعم باين ، وقام كمل يادوب رمضان
تعالى قال دغدغي له الكعك دي الغلبان
ما بات بعيد عنك الا في الكفن ملفوف

والثاني كان كل لحظه تعطيه البره
ولما يصرخ تهزه ستميت هزه
راح من اديها على التربة ، وله حزه
عالبطن والركبتين ، من دي القماط الصوف

والثالث اللي حبي لما بلغ سنتين
فايتاه موسخ وقال خايفه عليه م العين
يقوم على اديه ويتدعور صلاة الزين
شاف لك وابور الطبخ والع وراح محذوف

وعاش لها الرابع اتناشر سنه بالزور
 باغت عليه الاساور في علب ومخور
 طلع عداكى ، بليد ، الدغ عبيط مطيور
يوقع القرش ويقول عالجامة خروف

استنظره الموت وفي العيد الكبير جاله
 في اللحم لما حشر من كل ما طاله
 أكل في بيتهم وبيت عمه وبيت خاله
ويعيد غداة كل ما يدخل لاهله ضيوف

والخامس الى طلع لك من اخوه اعبط
 فسد وخاب ياتشوفيه في البحر يتلعبط
 ياهاالرمواي بيتقزح ويتشعبط
وصل الخبر للمرء : ان ابنها منسوف

اما رؤوف الى كانت كل يوم توصيه
 اذان ابوه يسأله عن اى شىء - يخفيه
 كبير ، وكان ان طلب حاجه ، ولم تعطيه
يدغها العلقه ؛ والسيم القديم معروف
 ولما كان الولد في نشأته كذاب
 والكذب دا يخلى صاحبه في الكبر نصاب

رؤوف في كل الصناعات والوظائف خاب
طغش على الكمبوء مات ، ويا لى ماتوا الوف

قلت لها ياد لعدى العيل اذ كتر
من اللبن يتجمع ، ويش حال اذا انتظر
قالت يا شيخ كل شىء مكتوب ومقدر
قلت لها طيب والحجاب؟ قالت دا شىء موصوف

قلت لها لما الولد يكبر ويتدحدح
خليه بعيد عن فراشك فى المنام اصلح
ليقلدك ان فضل جنبك فى قولتك . . .
اتسهلت يحتى واتمايلت وقالت شوف

يانظله هانم ، فى نسواننا انا كلت
حتى الشتمه بعيد عن ستى ما خايت
قصدى صلاح النساء والعائله والبيت
لان نسوان بلدنا رجالها قحوف



تاجر خضار

اهل المعارف يقولوا الناس بالملقّامات
لا بالملابس ولا بالأكل والركوبات
كام من غنى بالأدب لا بس هدم شحات
ومن غجر في البلد دي واسمهم بهوات

رأيت ركوبه بتمختر بواحد بيه
راكب ، وراشق في ضهر العربي رجليه
سألت من تخن صدغى اهل حارته عليه
قالوا : دا تاجر خضار عنده سبع عتبات

جميع خضار البلد من قرع وبدنجان
والباميا والكرنبيت واللفت والشنوان
تورد على مكتبه بالجملة م الغيطان
وهو نفسه الى يعطى لبتوع الخضارات

تشوفه قاعد بشيشته ويا فنجاله
مركون على خزنه مقفونه على ماله
يؤمر وينهى وتحت الأمر عماله :
كاتب معاد الشهاده : واربعه فتوات

البيه دكان م الجعايده المجرمين سابق
وله علامه ، على ايده اليمين دافق
ولما فات الهجص والصرحه رافق
في سوق خضار مصر بياعة بلج امهات

والبيه جميع الخلايق تعرفه في مصر
لوما الملامه لكان خلا المره في قصر
لكن في روض الفرج يومى ياخذها العصر
يطلب له شيشه ، ويطلب لمره شربات

تقعد بشقه وتعطى وشها للبحر
ماتشوفش من جسمها غير البراز والنجر
في كل يوم عالحلادى ، لما فات الشهر
زاد الغرام والمجانسه استحكمت حلقات

قالت بتاعة الباج للبيه ماتحكي لى
حبك داحب الهوى ؛ ولا فناجيلي
وقت الغرام في المسا تبعت تناديلي
والصيح ماتقول لى لا اشحالك ولاسلامات

قل كل شىء تطلبه يامسعدده موجود
والمال داكمه مايبعد عن عنيكى السود

مين في وصالك بجلده والسقط مايجود
لكن انا قصدي اسمع بس قوله هات

قالت له مات عندنا في السوق جدد سماك
 عايزين يبيعوا محله في الدلاله عداك
 ان كنت قصدك تاخذني عالدوام وياك
الصبح خد لي محل الزاجل الى مات

وتحط لي فيه ولو حملين خضار ، اتنين
 اتسلى فيهم واطلع منهم القرشين
 وادفع مقدم ما اخلى لك عليه دين
ون زاد حسابك احول لك به كمبيالات

ماجا الصباح ، الا كانت مسعده التشه
 على المحل الجديد بتنش بمنشه
 قدامها دكان لواد عايق بتساع كرشه
بينه وبينها علايق من ثلاث سنوات

مكملت حظوظ الصبيه والواد الصبوه
 في ساعة الضهر عنده ، يعملوا الغدوه

وفي العشا عندها تتعذر العشوه
ويقتلوا الباب عليهم لما ينووا بيات

فات صاحب العزه ليله يضرب الطالع
شاف المحل اتقفل والنور وراه والعم
بص التقي الحرمة قالعة والولد قالع
هدد على الباب بالقود خمس هبدات

فتحت قوام ، قال لها : هاتي الحساب هاتي
انا الي حزنك وبديتك على مرآتي
واخرتها خنتي ورافقتي الكراشاتي
ادى جزاة كل من يستأمن اللبوات

وخش في الحال لخصمه بالقلم وعطاه
راخر نهض له بعزمه ، باليونيه رماد
فقتعت بصوتها المره جاها الشاويش ومعاد
شيخ الغفر ، والغفر : جروا الجميع بشمات

البية عشان رتبته العاليه اكل كام كف
والواد في بوكس الفتوات اتحدف لك حدف
ومسعدده تبات وتصبح تنبت عال كشف
آدى تجلد الخضار ، ان اصبحوا بهوات

جوز فهيمه

لما العدم جوز فهيمه السيد الجزار
جابت لها الخطاب بالقيمه جـدع نجار
وشيخ بلد من مينية وله دوار
وعسكري مراسله ، وتنقى بقى وتختار

قالت لها امها يصكى بكى ونواح
ويا ما دختى وقاسيتى من الى راح
ان كان قسم لك رجال ، ياللا خدى الفلاح
انفلاحين قيمه وفلوسهم يابنت كتار

الخطابه دى الى سعت ، فى السعى ماخابت
والشغله ماعوقت ساعتين ولا غابت
قامت تشحتف وراحت بالعجل جابت
شيخ البلد م اللوكاندة دى الى جنب البار

دخل قلع بلغته ويقول يا عوافى :
وشلح العرى يخطر عالبساط حافى
حس القدم بالبساط ناعم كدا ودافى
قادت فى جسمه وطلت من خدوده النار

قالت حماة القفا يسعد يا عمده مساك
والمولى يجعل فهيمه من عضاك وذاك

ياهلـترا : راح تاخـدها عـالـبلـد وياك
ولا لياى الوصال : تبقي هنا فى الدار

جال اما اجول لك وصلى عالنبى جيله
اخدها اذ ان هيه كانت بالبلد جابه
واجيبها مصر اما تيجى هنى انا جيله
اخدها شبه : وترجع لك جاموسه عشار

ردت فـهيمـه وقاتـل من ورا الدرفه
قولى له يامه : دى رخره قصدها الخلفه
فى الشهر ليلتين اذا بات عندنا يكفمه
ووقت مايفنى ارحل له عالدار

شيخ البلد قال : ونا جابل بدى المشروط
والمهر جبل الكلام عشرين جنيه مخطوط
عزهم حج فسحة او تمن زعبوط
ولانجول جطننا : خس السنة جنطار

راحت فـهيمـة على العزبه معاها العفش
منفوشة فى الجلبيه والملايه نفش
قعدت سبوعين وعادت تانى ليه ما اعرفش
مايعرف المسأله غير عالم الاسرار

رجع يقول للمرء : ازای تغشينا
وتجولى إن العروسه : بيضا وسمينه

ولما خشيت عليها ، الجاهها سردينه
وناويه جال لسه تجطع لى كمان انذار

راحت معاه المرء فى البيت لجماته
يايقطعوا العرق ياتصالحه على مراته
قالت فهيمه القضييه ماشيه وحياته
عند الابوكاتو ونهارها حايبقى نهار

قالت حياتها يا عمده ! مش عشمنا فيك
البننت من قبل ماتجيب الشوار وتحيك

اتلبشت والعييا ضحضحها لم يوريك
خست وكانت ماتعرف فى السرير تندار

ولما خست كده ، ناديت لدائتها
استغربت والله يابنى لما شافتها
وبات قطرها الالادى عند كوديتها
طلع لها لجل سميتها ماترجع زار

طلع لها جوز تيموس من غير اشاره سود
وعجل أبيض يكون تحت السما مولود

وست وزات وفرخه عرفها مفروود
وديك عشاري عريض الصدر والمنقار

قال العجول والطيوس دى عندنا والخير
ون كان على الطير : دا ياما عندنا من طير
ون كات حاتسمن : فانا الاولى بها من الغير
ولا حدانا البلد ، كلك بنات ابكار

اندق لك يافيمه : زار ، وزار بصحيح
استعجبت له جميع الخلق دون وملح
لكن ياخية الأمل راح فى الهواء والريح
الهبز والنفخ مايجلى الدرہ الا فشار

ياواخده شيخ البلد ، شيخ البلد شارى
بيعه علف مدهنه : والبيعه جزارى
ان كنى متسبكه عالىق اتدارى
البردعه تلتقى يوم الجوازده حمار

المؤلف

عبد السلام احمد بن صالح زناقي جاد...
أفندي حاجي ولكن من بني «شداد»
مايفوتش نوبه الصلا ، بعد الصلا الاوراد
وكل أسبوع في بيته الذكر والانشاد

له مكتبه فيها تلقى بهجة العشاق
وللجلال السيوطي لهفة المشتاق
ونسخه في الطب والحكمة لسبعين داء
وكتاب بخاري كان من رجة الاجداد

طلعت في راس أحمد بن يعمل كتاب تأليف
حيث انه عصري؛ وجدده شيخ طريق وشريف
وصار يصنف ويجمع في الحكم تصنيف
شيء عن عطا الله ، و شيء عن ظافر الحداد

نهار وليل والكتاب يتعاد ويتراجع
وكل صفحه انكتب في طرفها «تابع»
سبع شهور والمؤلف ناوي في السابع
يطبع وصول اشتراك ويحصل الايراد

قالت مرآة أحمدین لما وحشها البیه
 ما عرفش لیه بس یتعب کل لیلہ عنیہ
 ماشفت مثله یفتش عالتعب بأدیہ
 بشوف عما یلہ دی وحیاء النبی بنکاد

لو کان داشیء منہ فایده ، کنت اقول یا طباه
 السعی عالرزق واجب لم أحد یأباه
 لکن حیالہ ، کتاب عیمری مانا شارباه
 بقرش تعریفہ ، ولا قرش صاع ان زاد

قال یاعبیطه : بلاش دوشه وقلب دماغ
 دا کتاب نمین فی « العلوم » حتمه ۱۱ صاع
 وهو النهارده ، علی وش انتها وفراغ
 وبعدهما ینطبع ویحجب فلوس ، یتعاد

عبد السلام بالدفاتر دار علی الاخوان
 من له عشم فیہ یناوله الدفتر الملیان
 عشرين جنیه لمهم بالقربه والفنجان
 والوصل فیہ الحساب لکن مافیہش ميعاد

قالت له هات لی بقی یادلعدي ملایه
 وغویشه واحده ولومفرد ، بدلايه

ون كان نقص شيء أكمل مللى وبابه
كان الكتاب أتجمع في المطبعة يا ولاد

بيعت له صبيانه صاحب المطبعة سلامون
يقول لهم من سريره ، عندكو الكركون
لا بالمراسله اخذ حقه ولا بتليفون
آخرها باع الكتاب بيعة ورق في مزاد

واللى اشترك في الكتاب وصله الكتاب تانى
اللى اشترى فيه بلح ، واللى اشترى سودانى
واللى اشترى فيه عنب ، واللى طحال ضانى
القصد ان الكتاب برضك لاهله عاد

سيد درويش

كنت بكتب لك عتاب	من غيابك يوم وداعى
انتظر منك جواب	ونت لى مخلص وداعى
واللقا يوم الميعاد	شفت إسمك فى المناعى

لما حظى كان وجودك غيت حظى القبور

وأتحنى ميعاد صعودك والتجلى إلى السرور
ونت ياسيد وعودك المصور في الفؤاد

انا أبكى لجل سنك واندب العمر الطويل
واسهر الليل لجل فنك في المعازي والعويل
واسأل القيثاره عنك ياللى أنطقك الجهاد

ان خلت منك اما كن فيها اسمع لك حنين
انت جوا القلب ساكن استمع منى الانين
لك في قلبي دق لكن دقة النار والزناد

مصرما تميل والله بعدك للحميني والحجاز
والعراق من بعد بعدك يتحرق راخر بحجاز
انت في الفردوس لوحدهك والمصايب عالبلاذ

انا ان سالت دموعي كان مرادى اكون فداك
ولا هبت نار ضلوعي افتكر اوقات هواك
وافتكسر ساعة رجوعي لما اشوف نارك رماد

قلدس جرجس

« نشر صاحب هذا الاسم طعنا في مقام النبي الكريم صلى
الله عليه وسلم »

من عهد ما القرآن هبط نزل هنا عمرو ، وربط
بيننا وبينكم يا قبط عهود وداد متسجله

قرآن محمد قال لنا عيسى المسيح روح ربنا
والست مريم ستنا تنزل في اكبر منزله

وكان عهد لك نسيب يا قبطي ، دون اهل الصليب
اما المقوقس له حبيب محبته متأصله

ابويا ناسب بسخروس واسم خالي جرجيوس
وجد أمي فلتاؤوس وانا اسمي طه ابو العلا

قلدس يا جرجس يا غي كل القبط كهل وصي
بقولوا من سب النبي ينزل لسانه بالبلا

كل القبط متنوره متخرجين من لندره
 ليه انت تخريج معصره قلدس يا جرجس جاك بلا
 انت صحيح راجل عويل يانطع ولسانك طويل
 تشتم نسايبك يارذيل يقطع لسانك والغلا

لو كانده الحاج سالم

نزلت في مصر مستخفي ، فقير واديب
 دخلت لو كانده مفتوحه لكل غريب
 تعلق الحاج سالم نعمت الله حبيب
 راجل معلم مكمل تربية كتاتيب
 قال المعلم يا واد ، شوف الزبون دا أمير
 اعطى له في نمره خمس في البريمو سرير
 وخذله وياك مكان القلاه والبشكير
 واعطى له أكبرها ما عندك من المراكيب
 دخلت اشوف نمره خمس كلها تهيبص
 سبعة من الفلاحين شاغلينها بالبالايص
 الصاحي ييلت والناسيم ييفقع ...
 لو كان منشئ على النجمه نشانه يصيب

الساعة دقت ثلاثه بعد نص الليل
والفلاحين بالزعيق شالوا اللوكانده شيل.

الخدامين يرمحوا عالسطح زى الخيل
والعين ياموا القوط فى الفجر بالقباقيب

اما المصيبة اللى خلتنى قوام سنحت
صاحب اللوكانده، مشغل فى اللوكانده تحت
ولجل ماتم افراحنا وحسن البيخت
باب اللوكانده من الباب الحسينى قريب

شارع عموى عمار، فيه تلتमित بياع
وفيه قهاوى ملانه للصباح صياع
لهم وحايده ونسكتة تجلب الاوجاع
غير القرف والصداع من دوشة المجاذيب

واحد يقول يا عنب لما انت فيومى
والتانى بيقول ياناس التين دا برشومى
ودوكها يصرخ يقول سرك يا بيومى
يا قطب يا غوث دالى يندهك مايخيب

اما السرير نمره خمسة كان عدالك مبلول
وكل قله تزيد لك عن ظبان الفول

والبق دد كل بقه زى عين الغول
تسمع لها من بعيد فوق الملايه ديب

طلع علينا النهار واحنا فى قلب دماغ
سألت كدام البياته قالى عشرين صاغ
ون كنت بايت هنا تانى تحط بلاغ
قات البياته دى عدت واللقا دا نصيب

الاسطى على منصور

بعث لنا تذكره الاسطى على منصور
ذو ملك هابل وراجل فى البلد مشهور
داعينا فى ختمه فى البيت الجديد وطهور
عقبال ما تقطع وتربط فى هنا وسرور

وصلنا نلقى فانوس والع وباب مفتوح
وتحت باب العتب ممدود سقاله ولوح
تنفج من تحتها ريحه تشق الروح
قال لسه عند المهندس شغل فى المجرور

خطوا الجماعه واحد واحد ونا نظيت
ولحد باب السلامك بالقوام خطيت
لوما مسكت اسلامك كنت انا طبييت
لكن لقيت عالدرابزين الرخام بربور

وعالسلامك كان صبارده في برميل
وكف مريم ولبلايه وفل جميل
وشخص راجل خروق واقف عريض وطويل
يحمي الجنينه وقوله تحت منها ماجور

وفوقه غالب تشوف في النوش فوق الراس
حجاب وحدوده حصان كانت في رجليه مداس
وخمسه وخمسه قال تمنع عيون الناس
والباب مالوش اكره واللوحة القزاز مكسور

مشينا متسحين زي الحراميه
والاسطى ساعه دي كان في دوره الميه
ساعتنا ساعه دخولنا عالمو الديه
سبق ورد التحنيه عريجي الحنطور

دخل لنا البيه وقفنا للسلام بالأيدي
سلم على الاولاني والسلام بمزيد

يسأل على مصطفى عمه وخاله سعيد
 واحنا واقفين على دورنا مايجي طابور

قال بس والله أنا زعلان ومتأسف
 على البتاع اللي فاتته العرس متكشف
 قل تركه قد جمعه لـ لـ يتكشف
 وبكره ينسد ويخس الرصاص والنور

والليله دي يا جماعة لم كانت عالـ ال
 ده بس هو اللي جاني في منامي وقال :
 يا ابو حسين : يا قليل الاصل ، يا بطال
 قوم شد حيلك ووفى اللي عايك مندور

فعد حكى لنا بدون داعي ثلاث حكايات
 طوال ومن بعد ما قدم لنا اعتذارات
 وطلع الساعه واتكرر ثلاث مرات
 قال اقلع الجزمه واستفتح يا شيخ عصفور

وبعد ما كل شيخ منهم قرا ربعين
 قال ريس التخت : امال المظاهر فين ؟
 جابود محني : وله زهره بين الحاجبين
 وملبساه ام نيمته ادلعدي طرطور

قام قال أبوه ذا الولد طالع ولد عكروت
وكل أولادى من تالت سنه بتموت

قمنا وهبنا المعرض ده لسيدى ياقوت
ويا ما والله انكتب له تحويطات وبخور

ولما قال حس ان « المسأله » الليله
عمل لنا عالمسا سامر وهليله
سته تسايه ، وامه تاخده بالحيله
ما انسدت واتلم الا اما اشتريت له وابور

والختمه دى اتكلفت داهيه ونص الليل
والطبل والزمر والمزيكه والكبيل
ولا الكباش اللى باعوها بسعر الخيل
تلات حواله يستاشر جنييه بالزور

واحد عملناه عشا والتانى فرقناه
واللى فضل نبعته بكره لأهل الله ...
وهم باللميه قدامنا . ورحنا وراه
لقينا . حولى داقق له فى الجنينه خابور

خرجت عالباب ، قالوا لى : إئت خارج ليه
مش تيجي قبله تسلم زيننا عاليه
قلت السلام ده امانه ساموا لى عليه
واذا سألكم عليه ، قولوا خليه يغور

الحاج جابر

الحاج جابر على عيسى الى كان خطاب
في الحرب ورد لجيش الاحتلال اخشاب
في ظرف شهرين صبح يملك ثلاث اعاتاب
وفرز واصطبل جنبه سبجان الوهاب

للحاج جابر دا حرمه ، اسمها مباركه
وبنت من واحده ثانيه من سنين داركه
وكل عقده لها عند الكريم فكه
البيت في جمعه جولها اربعه خطاب

واحد جدع سنكري افرنجي ، وله دكان
والثاني اسطي ، كواننجي ، وله صبيان
والثالث بن اسماعين راشد من الاعيان
والرابع الساعي الى جابله نوبه جواب

الحاج جابر ملاخه من ابن البيه
ودار يلف البلد يسأل صحابه عليه
قام قال له عقله حا تمخير ياواد على ايه
الفتاحه في شرع مالك تبقى كتب كتاب

قروها عند العريس : احسن من الخبله
 واخلوا كتب الكتاب في ليلة الدخله
 ويومها يجي الشوار بالزمر والطبله
 وياما للحاج جابر في البلد أصحاب

بيت العروسه في غمره والعريس في بولاق
 مسافه ون قصرت تطول على العشاق
 واما يوم الفرح كان يوم شكل وخناق
 طلع لب البريه وانظر الاسباب

ام العريس اصلها هانم وتركيه
 وبوه فقير انما عنده البهـاويه
 والحاج جابر عمل لك شغله شاذليه
 جاب الموبيليات بوريه له فنيارين ودولاب

وشيل الصينى لاولاد حته الاجلاف
 والكارو فوقها الخده جنب منها لحاف
 ناقص عليها القليل تصبح تمام اسعاف
 واما جنب النحاس قاعداله بالقبقاب

وصل لبيت العريس مركب عايه العين
 ياتقوا على راس حارتهم امة السائلين

جايباهم أم العروسه من بين الصورين
حالفين على الست مايجش الشوارم الباب

أم العروسه تقول يا كلب يا عكروت
اكتب كتاب بنتي من غير شوري بعدما موت
اديني دلوقت جيتك بس قرب فوت
لاعمل لاقل الكلاب عنك مقام وحساب

قالت مرأة اسماعيل راشد ياربي أمان
ناس فلاحين ! عفش بطاله كمان دوشمان ؟
خرسيس ادب سيس يرم لعنت اجوز يوقمان
هرشوق فنايوق خها ايكي دوزاوغلي كلاب

قالت نبيهه يا حرمه بترطاني على مين
بتحسبينا بهائم ولا مش فاهمين
كل البنات في البلد عند اهلهم قاعدين
حمره عليه انا اللي بخت بنتي خاب

هجم لك الحاج جابر بالعصايه وهات
على نافوخ المره واهبد ثلاث هبدات
قال بعض اهل العريس يا خلق ! يا قفوات !
منقيشي مسلم يخاصهم ينوبه ثواب

لمع لهم واد فتوه ، لكن بن حلال
جائب معاه كام جدع من عصيته وعيال
واتامت العربجييه كلهم في الحال
ودخلو العفش بالقسمه مع الاغراب

جابوا العروسة وراحت امها الكركون
وشيعوا بعضهم يبحث عن المأذون
الى اخذ في النهار منهم ريال، عربون
وجاره بيقول عليه راجل فقي نصاب

جابوا الكتب الكتاب الشيخ عمر ديموش
والمسألة له فيها شغل حاق حوش
قالوا العوالم حاييجوا من ٨ ماجوش
والساعة دقت ١١ والموالدى غاب

الحاج جابر بعث مبروكه للعالمه
تشوفها فين والمعازيم مملومين لمه
دارت تدعس على مسكنها في الضامه
لقتها ساكنه في عطفه جنب درب ط ...

قضرها عمد ، دخل في مصر ، بايعها
فضل وراها كده بالخطوه تابعها

شافه بوليس سرى ماشى يحسبه معها
قبض عليها بوليس الحفظ والاداب

شوف ليلة الحاج جابر كلها احزان
الغم من كل ناحيه والغلت الوان
لانه خطاب : وكاره يشبهه القران
يكسب ويربح ، ولكن تنخم بهباب

الولاده

خايبك معانا هنا يا حضرة الكامل
وانعم برأيك على راجل فقير عامل
ينسد رزقه وتصبح حرمة حامل
وله سنه ونص يا كل لقمته بالدين

قالت لى يوم جاريك ، دى شهرى غبانى
ومن همار القسيخ الدم لم جاني
حسبت حساب شهرها الرابع على التاني
وجاها كرسى الولاده قبلها بشهرين

بقت دايتها عدوك كل يوم في الوش
 في الصبح في الضهر في المغرب علينا تحش
 ما يوم تنوت الغدا حتى ولو كان مش
 ويوم ما فيش اكل خالص ترقع الرغيفين

خشت لها يوم وقالت حضروا الكرسى
 بس اما اولد مراة عبد المجيد مرسى
 غلبانه سجدانه من يعامها فين ترسى
 دستور وعيلها نازل منها بالرجلين

يادوب دى راحت وكنا وقتها في الليل
 والطلق جال للمره اربع نوبات بالخييل
 ولما سالت سلايين الولاه سيل
 بعنت جبت امها جابت معها اتنين

فيهم خالتها اللي قالت ليه يا بنت الناس
 تخلى دايتك تفوتك ونتي فيكى الراسى

حطت لها تحتها مسند وواشت نحاس
 واستنظروا ستنا الدايه فوق الساعتين

التانية قالت مادام دايتك كدا حاتغيب
 دايتى ام عبد النبي حاضره وبيتها قريب

وايدها تتحط عاجرح العايل يطيب
ومولداني ف زكيه والولد عوضين

راحت وجات قبل وش الصبح ، وياها
خالتى ام عبد الغنى - عاجزه وساجباها
خشت تقول الهنا ، دى الوالده عارفها
هاتوا اما احسس على العيل اشـوفه فين

حطوا لها ايدها على بطن المره بتقيس
قالت ياناس لسه بدرى كل دا تحاسيس
حاقوم قوامك اولد سلفه ام انيس
عبال ماجيلك يكون انطش لك قرنين

يادوبك الدايه حطت رجاها بره
والواد نزل حذف لاسجبه ولا جره
قعدوا التلاته وهم بيقطعوا السره
وكانت الساعه ٩ جوك الدايتين

قالت لى ام المره انزل وهات لى قوام
رتم وتنفيل وايد مريم وسنبل خام
وعكنه ومغات ومحلب غفصلى وخزام
ونخشبان هندی ازرق كل شىء رطلين

وقفت اخمن على كشف الحساب محتار
يا هل ترا الحستين ادفعا للعطار
ولا اسيب دى الهجص وادفعا للجزار
ونا الفلوس اللى عندى كلهم ريالين

قلت لها دا النخشبان بطل على الصحه
والعنصلى والبابونج يورثو الكحه
والشبه والميعه رخرد يورثو البهه
قالت لى لى كن داشىء موصوف لمنع العين

ردت وقالت عجوزه قاعده جارتها
ما كلف الله نفس الا قدرتها
حايحيب لها العكنه والمخلب واخرتها
يدفع كان يحنى للداهيه البشاره منين

قلت لها دفع الفلوس من غير عمل داصعب
قالت يا بنى صحيح لى عظمها الكعب
ومهما كان اسمهم برضك دايات مش لعب
ويازمك ترضى خاطرهم سسوا الاتنين

قالت حماد داواد خايب ونا عارفا
ما ينسى عمره الحشيش والبيت قوام ينساه

وحياة مقام النبي ماخلى بنتى معاه
بس اما ترتاح هنا وتكمل السبوعين

البنت عندك ولا فى العيد تلبسها
ولا اذا جابت العيل تنفسها
كان وفوق كل دا فى البيت بتحبسها
جاك نيله فى امك دى كانت وقعتك بالبين

وطلمت بالعجل من رجاها خيال
انباع وفيه رطل فضه جاب ٨ ريال
جابت جميع ماذ كر وفراخ شمورت تقال
وتين وسمسم وسمنه شىء ملا غلقين

مرأتى بتحببى من حسن اخلاقى
وعارفه عذرى واشغالى وارزاقى
تاكل على قدھا واشمط انا الباقي
بعد اربعين يوم بقيت زايد على حصانين

قالت حماتى خلاص يا بنت ربعتى
ياانلا على البيت ، وطلق يا جدد بنتى
قلت لها من غير مؤاخذة بس قومى انتى
ووالده تانيه خديها هى والولدين

دكان مرسى

ندرت على الطاهره أم مرسى الدايه
ان ربنا خلاه وزاده هدايه
لتحط له رسال ويفتح تاجر
يبقى ان كسب مهر العروسه ؛ كفايه

كان مرسى فى الكتاب بيقرا فى لوحه
وغير برايره وهمه ونوحه
يحطها جنب الفقى على روحه
طرده الفقى ما كان حفض ولا آيه

سمع السميع منها ومرسى اترشد
ظلم جدد يطوى المدينه ويفرد
جدد صلاة الزين عليه متبغدد
يسد باب حاره ويملا عبايه

فتحت له ذال دكان فى بن وسكر
يعجن ويخبز فى التجاره ويحمر
مادام لا يستعطى الحشيش ولا يسكر
يفسح ويبنى لها الخرابه سرايه

قعدسى مرسى والكوفيه تزينه عليه طاقيه كاسيه نص جبينه
وتلت سبيحه كهرمان فى عينيه والورد عالم الكتب وفى الكبايه

وعاليمين لوح فيه وما أنزلنا وعالشمال لوح فيه وما أرسلنا
واليافظه فيها مرسى نصر البنا ومن جهة ما يحط ضهره مرايه

والامهات ونت عليهم ترسى الصبح نبتته لما يخرج مرسى
ترقيه ثلاث مرات بأيه الكرسي ويفوت سبع خطوات على الدفايه

وتقول يا قادر يا كريم تهديه لى انت اللى آخر قطعى مديه لى
بقدرتك من ريحه أبوه خليه لى لحد ما ياخذ بأيده عزايه

جوه اليهود من كل صدغ وكالح مللى فى تصريف البضايغ فالح
اليوم تعاملهم وتصبح شالح ما يكسبوا المسلم ولا قشايه

مضوه على بيعه ورق نمساوى وبيعه تانيه، شمع كاه بلاوى
وكوترا توزيت وابور كفراوى والكبياله اتحررت فى غايه

صاحبنا يا خد من عميله ما يكتب ويعطى للشارى البضاعه ما يحسب
يجرد كدا بالعين والعين تكذب تشوفها طياره ، تقول حدايه

قالت له يوم امه يا مرسى قالوا لى جماعه من درب المقشات جولى
انك عارف لك واحد فى المدبولى دافع لها اتناشر جنبه فى ملايه

ان كنت قصدك في الجواز يا حبيبي
 من بصره اعمل للفرح ترتبي.
 والشرط ما ادفع مهرها من جيبى
 انت الى تدفع مهرها يا ضنايه.

قال مرسى أنا ملبوخ في شغلى واننى
 من بعد وعدك بالجواز صهينتى
 اما الى قال لك عالملايه يانينتى
 كذاب وقصده تقصديها معايا.

خطبت له بنت سدحمد السرجانى
 واتوضعت ليلة الفرح سلطانى.
 جمعت ما بين المصرى والطلينانى
 واتفرقت فيها تحف وهدايا.

بعد الفرح خلوا المعيشه ذواتى
 احسن فواكه والجلاته يوماتى
 والكوسستليته والفراخ دى ليلاتى
 وبامانعم ربنا بعطايا.

الكبيالات استحق ميعادها
 من قبل مايروح م العزومه رمادها.

جاله صاحبها يسترجي سدادها
سد الدراهم . ماهو سد قضاياه

ابو المراسي : قال له مالك خايف
ونت اللي جيتنا في فرحنا وشايف
مع المدامه بتاعتك الهايلاييف
قاعدين كدا بين الفانوس والرايه

اتكلنت ليلة الفرح دي دواهي
فوق عن ميتين اهييف : كدا والله
اما البضاعه فاضله عندي كما هي
مش عايزه تتعتمع ولوبعضايه

والحسبه فارغه ماتأشيش على مالك
وقت الفرج من عيني ادفعتها لك
ارجوك ومن فضلك تقول بالك
ولجلى انا تتبيل يامسيو رجايه

قام قال صاحبنا للجدةع بأماره
الشغل دا مش شغل ناس في تجاره
ده شغل يااستاذ عيال في الحاره
ادفع قوام ولافيش لزوم لقضايا

قل مرسى حيث انك كيدا بتترافع
واللطف وبياك والادب مش نافع
روح امشى والله العظيم مانا دافع
مليم من المبلغ سوى برضايه

المسيو برطع والشتيمه سمعها
عالكوتوتوار بالكيمباله قطعها
جاله المحصل فى الصباح يدفعها
والمرغ فى عرف البنوكه جنايه

مرسى الى طالع فى التجاره يالوصته
بين التجاره والتجار ، وباحوسته
ساعة مايدخل محضر البورتستو
فى البيت ويحجز حتى عالمقلايه

جو المحضرين عالبيت وامه الشاييه
عارفه المصيبه من زمان والنسيه
كانت مراة مرسى العروسه غايه
فى النجاسين بتملح الدلايه

قالت يا مرسى تنضرب فى لسانك
وتنفضح قادر ما بين اخوانك

ضیعت یامنیل قوام دکانک
ویاما فاضل لسه غلب ورايا

ذکری سید درویش

اتعد یومک واتحسب من مهرجانات الادب
فیه القصاید والخطب ترت لك مظننه

یومک مخلص للأبد والناس عیشتها بالممدد
ربك خالقهم للهدد وانت خالقك للبنا

والناس بتبني مجدها لكن لها ولنسلاها
ونت كنوزك كلها خلفتها لنا كننا

یبنو المفاخر بالحجر ویزولوا هم والاثر
وضربه منك عالوت علی الزمان متسلطنه

كننا همل بین الامم لوما الهرم والكام صنم
خایتنا ننطق بالنعیم ونقول لهم مین زینا

ونقول لهم ببغده فی الفن مصر السیده
ما یكونش احسن من کده انعام وروح متلاحنه

اهيات كثير سمعتها وت عشقت وقلتها
آه! م الفواد طلعتها حسيها من قلبي انا

الجاحد اللى يجحدك مغزور اذا كان يحسدك
ليه بس لما يقلدك يقول انا رب الغنا

شوف محفلك لما انفتح بمفتك اصبح فرح
وكان يدور فيه القدح لو كنت ياسيد هنا

انا اتلهيت

انا اتلهيت وخدل زندي مانيش نبى الله غاندى
ان كانت الغاطات من دى يكون فى عون اللى عملها

ان كان على الملح اكنا ون كان على السجن دخلنا
والصوم نحلناه ونحلنا خلى اللى فاضل لرجالها

ياما انطحن شاعر قبلى واللوح كتب له اللى كتبلى
واشمعنى شعرك ياغرابلى خلاك تقوت من غربالها

انا اللى ضليت فى جهادى وغشنى سحر الوادى
حدفت للنيل اولادى من بعدما «عمرو» دخلها

يام الكرانك والدلتا حاتعملى طارشه لآمتى
ما اتغيرت كلمه زفتى والدنيا رافت احوالها

قالوا اللى يشرب من نيلك لابد يرجع ويجى لك
ونا اللى عطشان فى سبيلك الدنيا ايه اللى جرى لها ؟

باريس خلاص صبحت خاربه اللقمه فيها بمضاربه
ونا اترميت عند مغاربه الغلب والكرب قتلها

مغاربه يازر فاشوكه يازر تربط به فلوكه
باكل معاهم شكشوكه تشمط وتشوى اللى ياكلها

لاسطل خروب يسعفى ولاين نكته يكتفى
ما يقصف العمر ويفى غير الحلايق بعلها

يامصر هجر كيكفانى يا عامله قمع ونا سيبانى
دا يوم ما حارجع لك تانى حاتبقى رجعه برسمالها

القرن العشرين

ياقرن عشرين ياريتك كنت قرن الفيل
وفيك محمد بعث بالوحى والتنزيل
وفيك عمر يرعب العالم بلا اساطيل
جيت والتقينا قلاشوه بالجاروف ننباع
لا المشتري فى التمن ماكس ولا الباع
ومين فى سوق الدلاله يشتري الصياع
الامسح الجزم ويدحرجوا براميل

سألت زيور : وزيو صنعته حاكم
يحكم ولاد العرب بالسحر والخاتم
وينقد الملك لا يحارب ولا يخاصم
اللورد جاك بالامانه يعمل ايه اقول لى
ياللى الخروف اكلك والغد متبدل
رمى الماتان من يمينه والتفت قال لى
بعد المعاهده اقول لك عالسبب يارذيل

قلت المعاهده البديعه باينه يامونشير
بالخبر دول لغمطونا : والله بشرة خير

الحبر يقعد ، وهي تنكتب بأثير
 يقراها ولد الولد ، ويسب بالآيمان
 فيها الجنود داخله أكثر من البنود بزمان
 والطيارات م الدخيله لامنادرمان
 تطبق المادة ١٦ يممب تقييل

ارجع لسيركين بويد سيد الجميع واقول
 يجعل كلامنا عليك سخسخ خفيف مشغول
 امسك معايا القلم احسن انا مصطول
 مخ اللي شاور عليك بالحبر دامضلم
 يوم المظاهره الجدع بالدم متعلم
 اما اللي يهرب نهار الهول ويسلم
 عويل ومن يحرى بعده يبقى زيه عويل

السماعد اللي بنى الاهرام

شواه موجود

يارب انا اتوكلت عليك ورجعت اليك
 ماتنسانيش انا صنع يديك يارؤوف ياودود

اتحاد الاحزاب

مين كان يقول ان الاحزاب	تصبح احباب	لك وحدك الحمد يا وهاب	يا صاحب الجود
جاعل. خلايقك ناس بتعش	وناس	ورحمتك من فوق بترش	الزرع : يعود
يعود وبعد ما كان جلاوين	يرعاد	عيدان داويله وتملا العين	خروفين
كانت زريبه الستين دول	يرعاها	ويمص لك عمك جون بول	عالمود
شدوا اللبان بزياده كلام	وامشوا	الساعد الى بنى الأهرام	لقدام
يخلق بدال الانتيكه	ميت	ويبيع لامه امريكا	فابريكه
الدنيا كلها حاسدانه	عالميه	« وادي الملوك » أما نتانه	جود
يعنى الحبه لأمواتنا	واحنا	وكلنا	حياتنا
بجغرافيتنا	في الخارطة	قروود	

تزرخرفونا	في	دواركم	بترتركم	وبأحمركم
وتشغلونا				نلقط في الدود
وحق من	أنبته	زينه	وفتله	متينه
ليتسج منه	خا كينا		والباقي	بارود
ويتقلب	شعب	الوادي	كله	جهادي
مافيش	عقل	ولا هادي	غير	الملحود
خيوب عليه	ان	ماجعلها	يمشي	داخلها
م اسكندريه	لشلاها		في	عمار ممدود
والنيل يمين	وشمال	مجره	يخلق	ساقواه
وصحرة	الجيزه	ياولده	تصبح	هوليود

غاندي

السلام لك والسلامه	من هنا	ليوم	القيامه
ياللى أظهرت الكرامه	بعد	عهد	المرسلين
ياللى من لعبك بمغزل	تطاع	البورصات	وتنزل
فوق دماغ لندن وتعزل	لانه	كثير	الغزالين

فيلسوف ما يخدش قولك كل فلسفتك في نوالك
والتلاميذ اللى حولك بالملكائك شغالين

لنجليز عايشين فى لذه عندهم أسطول وعزه
ونت تضربهم بمعزه سوده بنت أربع سنين

من هنا تيجى المقابل اللى مغلوب يبقى غالب
واللى مطلوب يبقى طالب والهزيل ياكل السمين

قول بدل بفتيك ويبرى يطبخوا بسيرج بابورى
والبودنج ان كان ضرورى ياخدوا حته م العجين

لأنجليز تاخذ ماتدى بالحفان من كل هندى
واتنبج صوتك ياغندى مالتقيتش المنصفين

قول مادام الحق ضايع والغرض بيع البضايع
الحرام ساتر وسايع ولا نمشى عريانين

يخضعوك ليه للتجاره ونت فى أرض الحراره
كل قرش يروح خساره فى الزفير والفتالين

كل واحد عنده معده ماسكه روحه خدها قاعده
ان طمع تخلق له اعدا يقعدوا له مرصعين

عالقضب والقطر ماشى يصبح العصبان بلاشى
ون عملها وما اكتفاشى يبقى يا كل عزرائين

ولا يا كل م المناجم فجم به عالديا هاجم
واللى به داس عاجلجام احيا ولا ميتين

يازعيم الهند صومك حبب العالم فى قومك
وانتهت حجة خصومك اللى باتو ملبوخين

كلهم واقعين فى حيره يعقدوا جلسات كبيره
فوق موائد «مستديره» يعنى لسه محلقين

يغضب الحاكم لنصحك يحبسك ويعود بصالحك
ونت تستعجب وتضحك عاجبايرة القحطانين

يحسبك طالب جرايه ترعبك هزة عصايه
يلتقوك ياغاندى آيه فى الجهاد صايم سجين

كام زعيم فى الدنيا مثلك يرضى يا كل زى أكلك
ولا يلبس زى شكاك كلهم متحفلطين

اللى بات ناصب مشانق وائى خايف م الشرانق
واللى اهو بايت يعانق واللى قدامه الطجين

دونمارو

(اسم المقاول الايطالى الذى التزم ببناء كورنيش الاسكندرية
ثم صفعته الامواج فى السنه الاولى فذهبت به وقبض المقاول
اجرتة كامله)

واعد بيانكا	واتفق	وقت	الشفق
وغابت الشمس	وخفق	قلب	الولد

واعد بيانكا	عاجل	وادي	الجبل
يصفر وحيش الليل	دخل	غطى	البلد

والحب والفقر	اجتمع	على	الجذع
الى ماشفش او سمع		غير	النكد

شايف بيزوف	المعتلى	كبريت	على
يقول لزوما	استعجلى	على	الهدد

هليبيته	طالعه	بدمده	متنظمه
منها	اترعب	فوق	في السما

نفخ على	بماى	ردم	تحت
مدن	بعمدانها	وامم	ماهاش

وشاف طرابلس مقبره مستعمـــــره
في ارضها كوز الدره مايتوجـــــد

فيها بن عمه متلبخ وفي السبخ
يزرع عنب يزرع لبخ يطلع وتد

وايطاليا ضاقت ارضها من عرضها
تزرع وتقلع برضها عايزه المدد
وقف لفقره مختشى من كل شى
والفقر توب من شفتشى على الجسد

لاحت بيانكا ونجته من وحدته
وقال عانقها وعانقته ياللا الهنا

بنت الجبال لابسه الخلق واسع شاق
وجلبيـــــه بالقلق متطينـــــه

وجانيه خضاة شعرها فوق ظهرها
عياقة اللى عمرها عشرين سنه

ضحكة بيانكا تبتهج منها المهرج
وعيون بيانكا ام الدعج فيها المنى

مرح ومال مع الخيال في دى الجمال
يلقى السواحل والجبال مستترينه

وشاف جموع متصففه وقت الصفا
وشاف ملايكه مرفرفه هنا وهنا

والبخت داخل يحمله ابيض وله
مقدم ذهب مكمله حسن وسنا

وقال بيانكا اتخضرت واتعطرت
وعالبساط اتخترت وعالغنسا

والحب نه حلم وامل يعمل عمل
وكل من حب اتصل الا انا

فاق من منامه وانتظر ناوى السفر
والحظ يقسم والقدر قال عندنا

بلد شادوف متدندشه ومتوحشه
لكن رجالها بالخشا متمدنه

طالباها عايشه ف نغغه متمرغه
حتى البسابورت اتلغى بين بعضنا

* * *

نرجع ويستر ربنا	الى	هنا
« ... الى عظم قدرنا	بين	الامم
حب المقاولين غيته	ولدولسته	
غرام في تعظيم كلمته	ان قال نعم	
وف كل شرکه يشترك	واهل البرك	
يقولوا لابد الشرك	ماينطعمهم	
وفي المقاولات ينبت	واذا انتهت	
يقول دى دولتنا سبت	ابنو هرم	
لايس ريدينجوت م الطوال	روتشيلد	قال
يملك بدال مليون ريال	مليون	صنم
قالوا له سلمان متزنق	قال	يتشنق
قالوا له بيته بيتحرق	قال	يتهدم
وقوم ياواد عالقش صاغ	وقع	صداع
وافلق ياواد اجد دماغ	واضرب	قلم
وبالضرايب طسها	في	فصها
ويخطمه واحده ارضها	اشفى	الالم

وفي الخطابه لبلي مهوش غبي
غامبيتا صلوا غالنبي تحت العلم

واما افكاره بقي متحزقه
وف بعضها متزقه حكم حكم

هودالى قال فخر الجودود فرعون يعود
مطرح ما كان تحت اللجود مع الرمم

هوه اللى قال البشونه والبهونه
تقال لامثالى انا واهل الهمم

خش المناول واقترب من دى الجرب
يقول لهم فسين ياعرب راعى الغمم

قال له وكيله « انتريه » ادخل عليه
دخل لقي قدام غنيه راجل اضم

عليه صحيح لما زغر شكل الوزر
وفي السمنتو والحجر سيد من حكم

وبكمتين كده وكده ويكن غدا
وبضحكتين بيغده تم العشم

قال له الوزير حط العطا تحت الغطا
واتقل وحاذر في الخطي قدم قدم

ياسكندريه تسامى
وتقوى بعدين تلطمى متشاشله

حتة جلف ينتشك ويعفشك
وبقصرمل يكرنشك يامنيله

عيب عالفقوات الاسود عيب عازنود
عيب عالمسه والعامود والسلسله

بحرك ماهوش ساكت عويل بحرك رذيل
«سيمور» في اسطوله الثقيل قام له الصلا

الموجه تطلع في الغبش والرياح لبش
وعالجارد تنطبش متلتله

تكسر حديد تطحن زلط مهما اختلط
وإش حال رصيف مبني بزلط وبقشوله

اللجنه لما اترتبت واتوضبت
بصت كدا واستعجبت عالبهـدله

حیطان مطبق صلیبها وجنبها
 حیطان واجعها قلبها متفشوله

جس المهندس بالعصا دی الخلیصه
 نزل علیه رمل وحصا من العلا

ودیکتاتورنا ما تخزی ولا اترزی
 سیدنا الی کان حقہ الجزا بالمقصوده

قال له المهندس : دی امور؟ قال امشی غور
 وبات وصبح عالو ابور جاتنا البلا



المفاوضات

الاوله آه والتانيه آه والتالثه آه

الاوله عالسودان كرز خلق تفانين - على كيفهم ومالناش كيف
 والتانيه بوظهاهندرسن سنه ثلاثين - وشرفهم - نسوه في جنيف
 والتالثه في الزعفران بالحرمله داخلين - وسيوفهم مفاوضه بسيف

الاوله عبست والبرلمان حبلوه - بمقالب
 والتانيه لما اتنست خزان كبير وبنوه - بلوالب
 والتالثه اهي اكر بست والهلبيها رموده - بمخالب

الاوله ياخلف للافريكان تأديب
 والتانيه يا هل البلد اراقنا في دوليب
 والتالثه اسطول يوفق بين حبيب وحبيب

الاوله آه
 والتانيه آه
 والتالثه آه

شوفی لنا بنت حلال

جدع معلم قال خالتك ام هلال
شوفی لنا بنت حلال تكون لطیفه وعال

بنات کثیر حلویں عند اهلهم قاعدين
ماين طبیح وعجین وبتختم بطل

عایزها لحم فصوص مش عود قصب ممصوص
ومحرقه بعصعوص وعامله روحها غزال

عایز قوام یتیز ان دزیتیه یندز
وف کل مفصل حز ینفکرك بهلال

عایز نتایه صحیح من ربع شمعہ تسبیح
مہوش بشکل قبیح لکن بذوق ودلال

عندك بنات جمالات مقلوطين تنایات
ودمهم شربات یسکر نسا ورجال

تحققی فی الزین البنت ترخی العین
دی مهرها الفین اچطهم فی الحال

أما اللى عامله سبور وجدها بلفور
وعايزه واد دكتور خساره فيها ريال
ولا اللى عامله آله وشعرها قصه
وبأوكسجين صابغاه دى تجلب الأسهال
ون جيتى واحده بكرش من الحمير ماتغيرش
مانيش واخدها بكرش واحط فوقها شوال

الحماس

الحماس ما تبط من ايام عربى
لنجليز شالوا المدافع والطوابى
الخازوق ماسك متين والفرقه نيتى
والحقوق تطلبها بالروب والجوانتى
للبلد جايبين حكمدار من جلاسكو
متحصن لو كان فى مدريد ولا موسكو
فى القوتيل قاعد أمير والشغل داير
ون زغر لاعظم وزير بردون ياماهر
مشروعات اتنفذت وسيادنا تنهب
من سكك ون كنت تزعل ياللا ههيب

المعسكر ينبى يوم المفاوضه
دى الاوامر ، والمرافعات والمعارضه
ونت مالك
خلوها لك

وقت مايف الغرام قول ياللاينا
ستميت كبتن يحولك ع المدينه
عالمـراتب
م المراكب

تتفق او تختلف برضه انت تطلع
والنشان الحلو فى صدرك بيامع
بالباشاشه
ونت باشا

ياللى قصر الزعفران مقفول عليكم
سامتكم مصر روحها بين يديكم
كلـونـا
طمـنـونا

ميتم الامم

امريكا

فين عين واشنطون تشوف روزفيلت ابوالثفانين
القمح قال يتحرق والبطالين جمانين
ادى جزاتكم ياولسن عصبتك شينه
فرنسا وانجلترا بيضبعوا فينا

روسيا

يا للى صبحتم غنم ستالين راعيها
 ارعوا الى بطرسكم الاكبر زرع فيها
 شمتان فى قلة مقامكم نصكم جرابيع
 والنص فى اوروبا دابر يشتغل ويبيع

اليابان

بالز قانعين ، وميكادكم رشيق ونحيل
 حمره على الى عليهم ركبوا براميل
 وكان صفار الوجوه اسم صفار الموت
 صبح صفار الوجوه له فى الموازين صوت

انجلترا

الفرس فين والفراعنه فين ذرارهم
 الجيسارين ربننا يكمر رقايرهم
 طالب من الله اعيش واشوف بعنيه
 يا إنجلترا امتك تصبح فلايكه

فرنسا

الحظ كان محتكر والناس تروح له باريز
صبح مثل في تومبوكتو وفي تبريز
وف نص يوليسوا تفتح باب السما غلظه
اما الى في الغيب لالباس تيل ولا مطه

باريس

الفجر نايم واهلك يا باريس صاحبين
معمرين الطريق داخلين على خارجين
ومنورين الظلام راكبين على ماشيين
بنات بتجري ويا ما للبنات اشغال
وعيال تروح المدارس في الحقيقه رجال
ورجال ولاكن على كل الرجال ابطال
واسه حامد وعيشه واسماءين نايمين

راحت على الشمس نومه والبلد في ظلام
وقبل دى انشمس فاق بن المدينه وقام
الكون ينور بأيده لما شمسه تنام
فايتها للشرق تتاطع على الاطلال

ينشف عايتها الغسيل والطبله والغربال
ويقوم على لدعها الناييم سنه بطل
صبحت باريس في غنى عنك يا شمس الدين

العلم والرقص دول في معهد السربون
اعجب عجيبه اشوفها لو الف الكون
معهد حكومي ! وحقه يشبه الكركون
لكن فرنسا لها دون الامم احوال
ليبران في الاحتفال بيصافح الشيال
وبنت سوق الخضار ساكنه مع الماريشال
والبوسته صندوقها واقف داخل الدكاكين

جارتى سوزان الجميله اللى تبيع الموز
نازل عليها المطر من قم متر اليوز
اتبسمت للمطر ، احسبها فازت فوز
بالبعد عن مشيها في حارة الكيال
ودرب شعلان وفيه الوحل للخالخال
لكن سوزان اللى واقفه ووقفه انتمثال
نحس بلدها جعل رجلين سوزان سخنين

شففت العيون والشفافيف في باريس بتقول
احنا ملوك البرايا حكنا مقبول

البدع والتمن كله عننا منقول
 سادات بنا في السيادة تنضرب امثال
 أحرار محرم عاينا السجن والاغلال
 الفقر والذل ما لهم في بلادنا مجال
 ويوم سباق النجايب كلنا سابقين

ان دقت اتنين صباحا ، خش مونبار ناس
 حي العذارى السكارى تحت كعب الكاس
 وجوه عز لها جماها عن وجوه الناس
 من كل نجمه عانقها في سماها هلال
 تجذب بنورها امم في الهند والشلال
 هي افينوس عبادها من ملوك المال
 وتبقى صالة بديعه والى فيها مين



ابن نظله

لعب أمين بن نظله نوبه طب الميس
مع ابراهيم بن صول قسم الخليفه خميس
بين الولد والولد خش اللعين ابليس
بعد الوداد والتصافى ، دوروا التبكيس

ليلتها بات بن نظله فى القفص مربوط
بالكف واكل وشاكر بالجزم مخبوط
وقدموه للمعاون ان ده مظبوط
لانه فى ٩ مارس كسر القوانين ..

فى الحارديه م الصعيد اسمه الخفاجى نصر
باع فى الصعيد كل ملصكه واستقام فى مصر
ساكن فى بيت بين بيوت قسم الخليفه قصر
فيه يجتمع كل يوم العبط والملاحيس

خشت له نظله الى فى الاحباب معدوده
تبسكى وتشكى لاهل النصر والجوده
كان بالتصادف مرآة الصول موجوده
بتزور مرآة الخفاجى والجميع مهاويس

قالت لها نظله ابنك عض ابني أمين
وطرشه الدردى وولاد الجيران شاهدين
وتجسود قال كمان؟ داتم صحيح ظالمين
ايش جاب لجاب دا ابنكم يحتى بسلامته عريس

وهو لعب العيال فيه حد ياخده بجد؟
ولا اليتيم ينتهم اكن مالوش حد
لا: دا المفرعن كمان يادلعدى ينصد
وكل واحد رئيس فوق منه برضه رئيس

ردت عليهم: ا مرأة الصول بتهق...اله
قالت لها المسأله دى شغل رجاله
اما انا مش بكلم واحده غساله
وقولة أبنك ومش ابنك دا شغل بوليس

نظله اما شافت كده نزلت نواح وعديد
صحى الخفاجى الى كان نايم فى اوده بعيد
راحت مرأة الخفاجى للحكاية تعيد
قال دلو كيته اعمالوا الجهود بلاش تهليس

وقال خدامه: روح جول الخفاجى بيه
عاجول لكم انتو حاسين بن نظله ليه

وجول لهم ميتة يطامع هود عامل ايه
وجول له يا صول خميس خليك لطيف و كويس

راح بالرساله الولد لكن سعادة الصول
قال للولد اما جهال الصعايده دول
روح قول له لو كنت حاسم قول من دى اتقول
حاي قوم جنانى وانزل فى الجميع تحبب

فى جلسه طست امين المحكمه شهرين
ويا ما أحكام كده تتعد بالالفين
جروا اليتيم فى الحديد والناس بقت حزين
ناس واقفه تضحك وناس عالمحكمه تأليس

اما الخفاجى فكان فى العام عليه مندور
للصول هديه شوال غله كبير محشور
قطع علاقته وخلاها مع المأمور
اما الهديه فخلاها عشر تاليس

الاكتتاب

يدفع سعادة صالح بيه بالنص جنبيه
ويومها يبقى اسفلت عليه يوم الاحسان

فقلنا مبلغ برده كبير والله انت امير
فقال يا عالم امر مدير وعادات اعيان

مظبوط مهو الى يحبيب طبباخ علاه اوساخ
محاشى عجه فاصوليا فراخ تلقاه حيوان

مايدفع الا ان مات زغلول او جا الدلدول
وغير كده الصندوق مقفول فى امان وطهان

يشوف بلاوى الناس اشكال فقر واهوال
بدل مايسعفهم عالمال يصيح سهران

الى خلق للخلق قلوب خالق لدا طوب
يرق لمرأة المندوب ست النسوان

شافت عيالنا فى نوح ونياس وجرب وعماص
من قبل مايمخش بن العاص ماشافوشى حنان

شافتنا نطعم دى الكتاكيت لجه وديننا ميت
حسب عادات بلد النبايت قالت جودمان

وثمرت دراعات الحور وجابتنا دابور
وونختنا على البرود وعيا الصبيان

وكننا رجاله ونساوين محناش حاسيين
بان عيشة العيل طين وعيشتنا كمان

فتحت قوام الست السوق ضيق مزنوق
قالت ذواتنا اخدنا خازوق مافيهاش زوغان

راح اشترى له البيه بمباغ ومنشه بصاغ
عشان مافيش اهرام وبلاغ تنشر اعلان

ومن جهة مشروع اولاد والقلب جماد
« ملعون ابوهم » قالها وعاد وقعد قرفان

فالخفله كانت مش عاجباه وبأذن الله
مصيبة حاميه عجر جايه والوصل امان

الوصل ياخده عريض مختوم بنفس مكتوم
من ايد حسين بيه المخدم مأمور شنوان

تنزل مصيبيه عليه ومهون
 ياتكون ليله تمثيل ياتكون
 عالصنف الدون
 تأسيس جرنان

البيصاره

عم ابراهيم راجع حزين من شغله
 ماشى على العكاز ورابط رجله
 شايل رغيغه تحت باطه وفجـه
 يارب تطفـل بالغـلابه وبيه

عالبيت دخل يلقى المره محتاسه
 والارض تشفى من طبيخها كناسه
 خطى الكانون والبرمتين والطاسه
 وقال مسا الخير ! العشا يابيه

قالت بيه لبتهم ناوليني
 حق الكراويه والقزازه وعيني
 فرشـة اخوكى واغسل لينا الصينى
 وياللا يخنى حضرى الطبلية

ساعتين وفاتوا في قرف ولـكـاءه
 عم ابراهيم يصرخ يقول يا جمـاءه
 هي البصاره عايزه تسعين ساءه
 قالت خلاص فاضل على التقلية

وقت العشا سمعوا خايل بيعيط
 جابوه على السفـره بحاله مزروط
 وبعدهما فاق من بكاء واثر قطط
 جنب العشا حطوه على القصريه

الاكل دايـر والنفوس قـرفـانه
 من دي الخليل الى ملانا عفانا
 راح المسخـم هابـش الكروانه
 اتدقـلجـت فوقه وناـرها قـويه

خايل صرخ بالصوت وقامت امه
 سمت عليه والى اندلق بتامه
 في الصحن تاني ، داقه جوزها وشمه
 قال البصاره اتنجست يا وليه

قالت يا بنتي الامر لله ارميها
 والحيله اهي هاتي اللى فاضل فيها

قالت دى فى المطبخ قولى انتى هاتيهـا
الا الفيران تطلع كماني عليه

البت قامت بعد كل ترجى
 واللمبه فى ايدها اليمين يامنحى
 والتانيه فيها الصحن ، والمتهجي
 شايلاه ورايحـه تدلقـه المرزيه

صرصار من الحجر الكبار اياهم
 طالع لها والنب تخشى اذاهم
 الصحن واللمبه راحت حادفاهم
 فى العين ودبت صوت يحجب دوريه

قاموا الى كانوا فى الضلام والخبيله
 يغفوقوا البنت العبيطه الهبله
 عم ابراهيم داس فى البيصاره الفاضله
واخرتها شالوا البنت مسترخيه

بالفجل وحده كملوا عشوتهم
 واخرتها ناموا وانتيت خوتهم
 والى فصل من همهم وغلتهم
 فاضل يادوب ساءه على الفجريه

عم براهيم بواب قديم في الصحه
 طول عمره منصاب بالكساح والكحه
 شافوه نهارها نص ساعه اتضحى
 العصر يومها ساهوه الرفقيه

المطرب

هود الى قاعد قدامكم له نفس ملوك
 وشكاه ظاهر لعيونكم اول صعلوك

يادوب دا يصحى من نومه والشمس تغيب
 يجعل فطوره على صومه كونيالك وزيب

مهوش لفجره ولا كفرد لكن غلبان
 فقير يشوف الكاس سائره بين الاخوان

عاش ما التقاش واحد صاحب ينفع في الناس
 حفظ كرامته واتصاحب هو والكاس

كان نوبه قاعد في القهوه مش لاقى القوت
 جاله الى قال له على سهود ابنك بيموت

تقولش كان جاب له بشاره بن ام قسويق
سكت وقالها تلى سجاره واطلب لك شيء

مسح جبينه واتنهده وظلام الليل
هجم عليه بلونه الاسود وسواد الويل

يقول له صاحبه مات زعلشى كانا اموات
ويقول له هو مات عرفش كلف الجنازات ؟

بين العشا كده والمغرب واحد جزار
داير يفتش على مطرب ولقاه فى البار

دعاه يغنى له وقاوله والسهره تكون
بعد العشا اللياليه وناوله جنبيين عربون

طلع على التخت وفه باسم فرحان
وكل ما ينوح من همه يقولوا له كان

فى سهرته الناس اتنهوا على لحن نواه
وحقهم كانوا يغنوا وهو يقول آه

حامد عاشور

حامد عاشور المزين بالقرون والكاس
في كل ليلة احد تكثر عليه الناس
يصبح يحجب للو له رطل لجمة راس
وفوقها وقه بطامس اوراسين قلقاس

والجمعه ديه لقي لك غلته زياده
فرح وجاب العشا اكر من العاده
واخذله حته وفوقها فنجانين ساده
وروح البيت من المغرب بشوق وحاس

بعد العشا ما انتهى حامد بقي طينه
قال ياللا قومي افرشي الفرشه وغطينا
قالت له قوم قبله نلعب واحده كوتشينه
ونقول نواذر جحا الرومي وابو النواس

حامد يشوف لك ثلاثه باربعة ياكل
والست تغلط وتاخس بالمره راجل
اتلخبط اللعب لابقى ولا حاصل
قالت له اوعك كده ، باين عليك فلاس

قامت تدعيس بين الاركان في الصندوق
 الله اعلم بتتملكع وعارزه خروق
 قام لك صاحبنا، قالت مالك كدا محزوق
 اصبر يا شيخ لما اطلع لي قميص ولباس

خلاها تفرش وقام في الفرش واتقطع
 وسننا لسه بتفصل وبتقطع
 في دي الخروق، الى مهرى واللى متقطع
 عبال مانقت سي حامد نام وراح دواس

قالت نه مالك كدا ممدود ومتصلب
 نومك واكلك وعيشتك كلها تغلب
 في الفرش زى القليل دستور ماتتقلب
 كأن شغلك ياعيني بالغلق والناس

اتمددت رخره جنبه تفتح الموضوع
 وحكمت كتفها بالعند فوق الكوع
 واتكت ، اتألم الراجل وقام مفزوع
 قالت له قوم سلك باب الحاره بالترباس

صاحبنا ماتبعد قليلا، لاكانى ولامانى
 لان منزوله كان من صنف عميانى

بريش عنيه حبه واتقنـدل ونام تانى
يحلم بطشت الصابون والعدد والامواس

قالت انا يختى ما اقدرش على الميله
ونا النهارده بقول لك قوم وشيل شيله
ان نمنا والباب كدا ننقشش الليله
والباب وراه حلة القاقاس ودشت نحاس

ليلة ما تنوى السهر فى الفجر تدخل لى
ويوم مايجى العشا فى البيت ترخم لى
ون قلت لك بس قوم تريس تغجر لى
وتفتح الشمسه وتفرج علينا الناس

وبعد ما كنت ماشى فى البلد معدول
شربت لى الخمره واتعامت لى المنزل
ياخش سكران مدهول يالتقيك مصطول
قريضه تدخل تشيل الراجل الهلاس

حامد عاشور فى السرير نايم تقولش شوال
لكن صريخ المرده - لاه هض فى الحال
صم لغاية رى ما ستوفت كلامها وقال
اعوذ بالله كلامك يجرح الاحساس

قام لك متمم بيوريها انه قال فايق
وعدى من فوقها رجله ، قال بيتعايق
عتر في راس قلبها والقلب مش رايق
قالت داهم ايه دا يخنى قل انا الهراس

بقى انتي يا وليه طول عمرك تلاوعيني
ان قلت لك جا ميعاد النوم تمارغيني
ونمت تيجي في عز النوم تصحيني
صدق صحيح اللي قال جنس النساء انجاس

قولى لى على ارتأى لك فيه يتعيب
صحيح دى امثال زمان تصدق ولا تخيب
قالوا الماره لما تبقى اصلاها طيب
من نفسها عبر الراجل ولو كناس

قالت له انت اللي متجبر وظالمى
ولك كلام لما تدلع يالمى
وتروح تبيص على كيفك وحاكمى
ونا الى ايدى ورجلى ، حقها تنباس ..
بزياده

ام خليل

في حارة القدره دلاله اسمها ام خليل
خمين سنه عمرها لكن من المناغيل
وراها قنطار شغت شايلاده وهم ثقيل
بالاختصار لما تمشى تفكرك بالفيل

والبرقع اللي على الخشم العريض مخطوط
بالصنعه والفن فوق كرسى الحدود مخطوط
ما يظهر الا عيون متكحله وخطوط
ويخفى داهية حنك واسع وصدغ طويل

الست دى يومى بتفوت م الصنادقيه
وتجب واد خردجى جنب المناخليه
تنظر لها م الدكاكين الصنبايعيه
يتجننوا الكل لما تنقصع وعميل

واحد يقول لى جنبه ، بص ياسيدنا
يرد دوكلات يقول يارب تسعدنا
ونزور مقامهم وتسعدهم وتسعدنا
آدى الحريم التام آدى الى منه قليل

ایش قولکم الناس دی ربت للمره وسواس
 وخمئت نفسها ست النساء والناس
 تفوت عليهم وتسمع دی المديح تحتاس
 وتحزق الخصر وتقرط على الزنبيل

ان كج واحد تقول قصده يشاغلني
 ون تف راخر تقول عايز يقابلني
 ون بص راجل تقول مالك حاتا كلني
 اما اللي يضحك دايبقي في هواها قتيل

يوم رايحه للخردجي بالقيمة والحشمه
 وهيه بين المفارق ماشيه في الزحمه
 اتاها شيبال لاذوق عنده ولارحمه
 غرف له غرفه من الحله وقال يارحيل

حست بدى البهدله بصت وراها قوام
 ما تلقى في السكه غير واحد افندى تمام
 نزلت على خلقته اربع خمس اقلام
 اتاهت الخلق حماره على مصاطيل

قال الافندى بذله : ايه جرى ياست
 والله ايدي ماجات يمك ولا حسست

قالت ، ونا ، ما اتعميت لسه ، ولاهلوست
يلعن ابوك دون قبيح طور بن كلب رذيل

قال واد هناك عربجي ، في السجن تقييده
يعني الافندي القبيح ايه الى حايفيده
انا الى شايفه تمام لما تنى ايده
وقال عمل حجته يطلع المنديل

بقى الجدع ، الى متعلم ، وابن ذوات
في وسط كيشة غجر ، اولاد بلد قموات
لولا وقف من سكات كان كاهها لما مات
لحد ماراح بعيد عن دى الخناقه ميل

ون كمت تعرف ياسيد خصلة النسوان
وعا الخصوص المره الوحشه ام خاته دهان
تعمل ولو بالفضيحه في البلد اعلان
عن نفسها ، والغرض تنهم في شاب جميل

جل الى عازاه يغير حالا ويخطبها
ويقول خلاص ياولد دى الناس بترغبها
ون حد غارلها تعطى له بشبشها
ومن هنا تلتقى حاجه اسمها التغفيل

راحت على الخردجى قالت انا جايك
 آخر مجيه ، عشان اعرف خلاصى معاك
 انت بايعنى ، وكارهنى أما انا شارياك
 والشئ دا يلزم له وخصوص الجواز تشهيل

روى لى فى المسأله بالعقل واتأمل
 احسن انا غير كده ماقدر بقى أتحمّل
 فضيحتى ما بين جيرانى والى حايكمل
 بهدلى دلوقت بين الهبل والمخاليل

ايش قولكم ان الكانون دخن عليه يا ولاد
 والخرمه قامت وراحت واخده منه ميعاد
 من بعد اسبوع يكون كتب الكتاب علواد
 الهى يلطف بعبده ليله الاهلاهيل



باريس خلاص

يا ابو الفاروق لما اسكندر
شاف المداين واتخير
حكم على الدنيا ودبر
اسكندريه وسماها

يوناني ويحب الغاره
جبار وعاشق جبارة
ورخره زيه ام مناره
طلع هواه وفق هواها

اسكندر اللى بجنوده
والانس والجن عبيده
الشرق والغرب ف ايده
باسكندريه يتباهى

وافقت عظمته وجبروته
الامبراطور فى تابوته
لا يفوتها لحظه ولا تفوته
نايم هنا تحت ثراها

يا ابو الفاروق يسعد عسكر
والنجمه راس التين قصره
دى اسكندريه هلال مصره
وانت فى النجمه ضياها

اما احنا ياسكندرانى
طابعه فى الطين والميه
طالعين جميعا شضليه
متركبه تحت سماها

الاسكندرانى اذا صافح
وارسها عن جده الفاتح
يغاط ساعات وروح ناطح
فحل الملوك الى حماها

الاسكندراني اذا اتخلى
يغواه لحد ما يتزلق
جلنف لكن له مبدأ
في نايه عمره ما ينساها

الاسكندراني اذا اتحمس
لحد ما يروح متكرس
يفقد صوابه ويتطامس
في نقره ابليس يخشاها

لكن يقوم يغسل وشه
في خلقتة ويروح نأشه
ويروح يجيب اللى غشه
راسين يعيش مسخه بعاهه

ونا اللى جيت من سياله
شجعان ولكن بهاله
فيها العيال والرجاله
يانتصر يا كلساها

والحق نقطع له روسنا
مادام مليكننا وريسنا
نقطعها احنا بأنفسنا
عالفه ماسك مجراها

ومين ياريسنا يفوقك
وصل جدودك بفاروقك
دم الملوكة مالى عروقتك
ورعرع الشجره اياها

من اصلها الأصل الغالى
مظله الناس عقبالى
لفرعها الفرع العالى
ما عيش واموت تحت نداها

العودة

غلبت اقطع تذاكر	وشبعت يارب غربه
بين الشطوط والبواخر	ومن بلادنا لاوروبا
وقلت عالشام اسافر	اياك الاقلى تربه
فيها اجاور معاويه	واصبح حماية اميه

جاورت قاسيون وجيرته	توحش ولا فحش حاجه
وعزرائيل انتظرتيه	ماجاش وجانى الخواجه
نافخ وسابق امارته	وقال لى شسوف السماجه
البر تحت انتدابنا	اخرج ماهياش وسيه

رجعت للبحر تانى	مغفور وراجع فرنسا
ولسه طعم البودانى	فاكره وانا عمرى مالنسى
ون رحت تونس كفانى	عذاب انا والتوانسه
« غاملان » محضر مدافن	للامه والامه حيه

فى بور سعيد السفينه	رست تفرغ وتلا
والبياعين حوطونا	بكاتر بوستال وعميله

لكن بوليس المـدينه
يا بور سعيد والله حـسره
ما تزوغش من جنبه نمله
ولسه ياسكندريه

هتف بي هاتف وقال لي
انزل دى ساعة تجلى
انزل داربك تملى
خطيت فى ستر المهيمن
انزل ومن غير عزومه
فيمها الشياطين فى نومه
فوقك وفوق الحـكومه
للشط يا حـكمـداريه

واقول لكم بالصراحه
عشرين سنه فى السياحه
ما شفت يا قلبى راحه
الا اما شفت البراقع
اللي فى زماننا قليله
واشوف مناظر جميله
فى دى السنين الطويله
واللبده والجلبيه

يامصر نور الوسامه
لحن السلام والسلامه
والجو فوقه ابتسامه
تحوم عليها الملايكه
ساطع وباين شروقك
الدنيا سامعاه فى بوقك
زى ابتسامه فاروقك
وتنطق الانسانيه

يا فرحتى يا هنـايا
وكل قصدى ومنايا
واخذ تراب السرايا
بس الحـكمـدار وجيشه
حضرت فى عيد جلوسه
افرش له خدى يدوسه
من تحت رجله ابوسه
داير يفتش عليه

عيد الجلوس الملكى

(من محطة الاذاعة المصرية)

الدنيا ابيه سامعياى لكن ماهياش سايعاني
دايوم ١١ فبراير كانه مجعول على شاني

ماكانش ظنى يكون لى نصيب واسمع واشاهد بعيونى
واقف فى عيد مولاي خطيب عليك يامنبر ماركونى

ان كنت فى الازجال مسبوق الى قالوها فى ميلاده
كفنايه لما اهنى فاروق بعيد ميلاده واولاده

اقف اهنى واقول للكون بدل تاريخك واتغير
داالى جلس مطرح فرعون ملك يقول الله اكبر

ملك يطيعه جيش غلاب يمحرق فيالق وفيالق
ومن المعسكر للمجرب يعكف على طاعة الخالق

ملك رفع له الشرق الرأس لما سمع صوته الداوى
والغرب يبعد الانفاس عايز يشوف على ايه ناوى

كل الشعوب بايته تخمن	خافه من الخطر السكامن
وشعب فاروق المؤمن	بايت حواليه متطامن
مادام فى كرسى الملك شباب	الامن حابدوم ويطول
واهل المعارف والحساب	قالوا الشباب ياما ينول
يامصر طول عمرك فى سلام	حتى زمن خوفو ومينا
ويش حال زمن ملك الاسلام	معز مكة وطورسينا
ان شعلت حوالينا النار	اخر مانعمل نطفها
او نقتبس منها الانوار	والجمر الى نفخ فيها
قبل التاريخ يامصر النيل	اهداكى زيننه للدنيا
واغنى اهلك جيل ورا جيل	عن دوشة الامم الثانية
ومركزك فى الدنيا عزيز	فيه الطبيعة واضعاكى
بين الصحارى والبواغيز	ميز له جمى زى حماكى
وفى الشتا تنزل احوال	على البلاد تنفى ارواح
ونتى هنا شمك مشعال	تتقام على ضية افراح
وفيكى شعب رحيم وودود	يقدم الخير للعالم
مالوش معامل جاز وبارود	تصنع مصيبة لبنى ادم

الشمس والسبع

١- سألنا علم ايران ايه قصيدك :
 الشمس والسبع جاعلهم شعار وحدك ؟
 جانا الجواب يا علم اجابه الزمان مشروح
 الشمس من عندنا والسبع من عندك

القوه دى كنز مفتاحه الجمال والنور
 فى يوم سعيد الزمان يسمح لهم بظهور
 والله بلغنا المنى والعز يا شاهبور
 رايح بشمس الممالك والزمان حاسدك

اصبحنا شعبيين ، مخاطب بعضنا بسلام
 والبحر الحمر فاصلنا والعراق والشام
 اسلام فى اسلام وبينهم تحتمى اسلام
 يارب امة محمد رتلت حمدك

الموضوع	الصحيفة	الموضوع	الصحيفة
		تقرير د. يسرى العزب (ج. ٢-٣)	١
الحب	٢٨	حياتي	٢
بين القبور	٣١	الشرق	٤
فراق	٣٢	الفرن	٥
عزلهشان يا صبا يا	٣٣	الدبايح	٥
فرنسا	٣٥	الورد	٦
الامتيازات	٣٨	العيون	٩
مونبليه	٣٩	ياست	١١
بردون يا شعر اوى	٤١	النسوان	١٤
الفلاح	٤٣	العامل المصرى	١٥
على محمد شحاته	٤٤	مراقص الزنج	١٧
الاختلاسات	٤٥	العجايز	١٩
نافر الوقف	٤٧	سبح الخالق	٢٠
البرد	٤٨	جران بولفار	٢١
الخداه	٥٠	يامصر	٢٢
نسايبى	٥١	المحتلط	٢٣
بيت رضوان	٥٥	عزرائيل	٢٤
ركاب سوارس	٥٩	توت عنخ امون	٢٥
تاجر دقيق	٦٢	الشهاده	٢٧
ام فايق	٦٦	الحريم	

الموضوع	الصحيفة	الموضوع	الصحيفة
ميتم الأمم	١٢٧	في التربة حطت ثمانية	٧٢
ابن نظله	١٣٢	تاجر خضار	٧٥
الاكتتاب	١٣٥	جوز فهمه	٧٩
البصاره	١٣٧	المؤلف	٨٣
المطرب	١٤٠	سيد درويش	٨٥
حامد عاشور	١٤٢	قلدس جرجس	٨٧
أم خليل	١٤٦	لوكاندة الحاج سالم	٨٨
باريس خلاص	١٥٠	الاسطى على منصور	٩٠
العودة	١٥٢	الحاج جابر	٩٤
عيد الجلوس الملكي	١٥٤	الولادة	٩٨
الشمس والسبع	١٥٦	دكان مرسي	١٠٣
		ذكرى سيد درويش	١٠٨
		انا اتليت	١٠٩
		القرن العشرين	١١١
		الساعدا الى بني	١١٢
		الاهرام	
		اتحاد الاحزاب	١١٣
		غاندي	١١٤
		دوتمارو	١١٧
		المفاوضات	١٢٤
		شوفي لنا بنت حلال	١٢٥
		الحساس	١٢٦